

1892/B

Charles BAGARD



46348
47463
Q U Æ S T I O
M E D I C A

E A Q U E T H E R A P E U T I C A

Pro prima Apollinari Laurea consequenda,

P R Æ S I D E

ILLUSTRISSIMO VIRO D. D.

HENRICO HAGUENOT

Regis Consiliario & Medico, nec-non in alma
Monspeliensium Medicorum Academia Profes-
sore Regio dignissimo, Patris Coadjutore,

SUB HAC VERBORUM SERIE

*AN Vomitus fœculentus in passione iliaca ab
antiperistaltico intestinorum motu.*

Quam Deo duce, & auspice Dei-parâ, propugnabit in augus-
tissimo Monspeliensi Apollinis Fano, ab hora octava ad me-
ridianam, die mensis anni 1715. Nobilis
CAROLUS BAGARD Nanceianus apud Lotharingos,
Celsitudinis Regiæ LEOPOLDI I. Lotharingiæ Ducis Con-
siliarius & Medicus ordinarius, Regio Nosocomio Præpo-
situs, Artium Liberalium Magister, Universitatis Montis-
peffulanæ Consiliarius, & jamdudum Medicinæ studiosus.



MONSPELII,

Apud VIDUAM HONORATI PECH, Regis, Occitanix Comi-
tiorum, Universitatis, Urbisque Typographi. 1715.

31

98. p. p.
1 leaf

arms
1 fold p.

DISPUTATURI.

PROFESSORES REGII.

R. D. Franciscus Chicoyneau, *Cancellarius.*

R. D. Joannes Bezac, *Decanus.*

R. D. Petrus Chirac.

R. D. Antonius Deidier.

R. D. Petrus Rideux.

R. D. Antonius Magnol.

R. D. Jacobus Chastelain.

R. D. Joannes Henricus Haguenot.

DOCTORES ORDINARII.

M. Eustachius Marcot.

M. Jacobus Lazerme.

M. Antonius Fizes.

M. Antonius Franciscus de la Mezangere.

M. Claudius Ludovicus Perrand.

M. Thomas Martin.

M. Joannes Pitot.





ILLUSTRISSIMO
AC NOBILI VIRO D. D.
ANTONIO BAGARD

CELSITUDINIS REGIÆ
LEOPOLDI PRIMI
LOTHARINGORUM DUCIS

A CONSILIIS
ET MEDICORUM ARCHIATRO,
PATRI SUO COLENDISSIMO

PRIMUM ERUDITIONIS SUÆ TENTAMEN
D. D. D.

IN PERPETUUM AMORIS, GRATITUDINIS ET OBSERVANTIÆ
MONUMENTUM,

CAROLUS BAGARD
NANCEIANUS APUD LOTHARINGOS,
FILIUS OBSEQUENTISSIMUS.

Digitized by the Internet Archive
in 2018 with funding from
Wellcome Library



QUÆSTIO MEDICA EAQUE THERAPEUTICA

AN

Vomitus fœculentus in passione iliaca ab antiperistaltico intestinorum motu.



ÆC fuit olîm veterum , quæ etiam nunc viget apud omnes neotericos communis atque pervagata opinio , fœculentam vomitionem in passione iliaca à præternaturali & inverso (ut loquuntur) intestinorum motu exoriri. Veteres enim , a ea quæ in intestinis continentur sursum ferri exindè deducunt , quòd constringendi complectendique motus infernè incipiat , imò & clysmatis quoque aliquid & stercoris ex tam violenta intestinorum constrictione ad ventrem aliquando

a Galen. Tom. 3. Lib. 3. De sympt. caus.

praternaturam revocari, deinde ad exitum properare, auctore Galeno, confidentiùs arbitrantur. Recentiores verò antiquorum vestigiis hac in re nescio quo facto inhærentes, eorumque auctoritate suffulti, hunc excrementorum ad ventriculum usque regressum, mutatæ naturali ac peristalticæ intestinorum contractioni tribuunt : in hoc solùm utrique dissentientes, quòd illi inversum statuunt motum productum à facultate quadam expultrice quæ mera est occulta qualitas, hi verò motum quendam fibrarum carnearum intestinalis ductûs, vermiculari earundem motui penitus oppositum, sive, ut aiunt, antivermicularem. Sententiam hanc licet veterem, licet vulgatam, & à Galeno ad nostra usque tempora communiter acceptam, solo veritatis amore ductus impugnandam aggredior, eoque lubentiùs quò gravissimis rationum momentis, experimentisque certissimis convictus, motum hunc intestinorum antiperistalticum non inutilem modò sed & impossibilem esse censeo ; sed quò rectiùs suscepti opusculi schema procedat, juvat rem totam in quædam capita distribuere.

CAPUT PRIMUM.

De natura Ileï, ejusque differentiis.

PLacuit majoribus nostris affectum hunc variis nominibus insignire : è Græcis alii hunc *Ileum* nuncupant à voce græca, *Ελεσται*, quæ circumvolvi

significat, quoniam morbum hunc à complicatione seu convolutione intestinorum sæpiùs oriri existimant, vel ut aliis magis arridet, quòd dolor umbilico ut plurimùm circumduci videatur; alii pariter *Ileum* seu *iliacam passionem* quasi dicerent passionem seu affectionem intestini ilei, quod in hoc morbo cæteris frequentius infestari creditur; plurimi *Chordapson*, ex eo quòd tumor nonnunquam appareat suprà umbilicum, chordam convolutam & tensam apprimè repræsentans, hinc quoque à Latinis *volvuli*, *convolvuli* vel *circumvolvuli* nomine exprimitur; tandem, quod olim à Barbaris huic inditum fuit *miserere mei* nomen, ob atrocissimos dolores quibus divexantur ægri, & symptoma commiseratione dignum, tetram nempe excrementorum vomitionem, idem nunc uno ore profertur, & apud vulgus præfertim circumsonat.

Jam verò ut naturam Iliaci affectûs paucis eruam, pro laudabili Academiae nostræ consuetudine statim à definitione exordium duco; *Iletus* rectè definitur *gravis ac dolorifica intestinorum angustia quam sequitur alvi adstrictio, fæcumque per superiora rejectio.*

Ineunte Ileo alvus vel penitus, vel notabiliter constringitur, obmurmurant intestina, dolent, ructat, nauseat stomachus, ingravescente morbo quæcumque deglutiuntur liquida solidavè, mox brevi tempore gradum revocant, & ab intestinis ad ventriculum, indeque ad os ascendunt, sub forma, colore, & sapore multiplici, nec-dum stercoreis foetorem redolentia: dein foetida succedit vomitio, tandemque inflato abdomine, dolore adaucto, extincto jam

calore totius corporis habitûs , ac dimanante sudore frigido foetidoque , languent ægri quasi exanimes , singultiunt , urinam quandoque turbulentam , quandoque putidam reddunt , vel ipsius suppressionem patiuntur , vitalem vix ducunt spiritum , quodque magis horrendum , identidem ipsas alvi fæces vomitu immani rejiciunt.

Differentiæ Ilei ex duplici potissimum fonte desumi debent , 1°. ex magnitudine angustiae ; 2°. ex symptomatum varietate ; quoad primum , prout major vel minor est intestinorum angustia , prout eorundem via vel occluditur penitus , vel notabiliter tantum angustatur , duplex assignanda est passio iliaca , altera quæ perfecta seu legitima , altera quæ imperfecta , spuria , vel illegitima appellatur ; in priori , intercepto prorsus itinere , quaecumque supra obicem continentur coguntur ad superiora , & adest alvi suppressio , in posteriori verò , tenuiores quaedam fluidioresque contentorum particulae transgrediuntur obicem , & per secessum eliminantur , & tunc non suppressa quidem est alvus , sed adstricta simpliciter & segnior observatur. Quoad secundum ex jam superius tradita hujusce morbi descriptione liquidò constat , Ileum diversis temporibus spectatum , diversis stipari symptomatis , quorum ratione in incipientem & confirmatum dividendus est ; sic alvi adstrictio , vel suppressio , intestinorum murmura , fixus vel circumvectus abdominis dolor , ructus , nausea , imò & vomitus contentorum in stomacho , incipientem , materiae verò graveolentes ac foetidae vomitione rejectae , confirmatum Ileum constituunt.

CAPUT

CAPUT SECUNDUM.

De causis Ileum producentibus.

Cum primo intuitu triplex sese objiciat sententia circa causas Ileii; prima veterum admittentium cum Galeno inversam atque occultam vim facultatis expultricis; secunda neotericorum qui Ileum ab antiperistaltica villorum intestinalium contractione fieri sentiunt; tertia tandem, quam aliis præponendam autumo, quæque causas à prioribus longè diversas statuit: operæ pretium duxi triplicem hanc sententiam ad rationis normam exigere. Quoniam verò hisce nostris temporibus ita exolevit inanis hæc Galeni & aliorum antiquorum opinio de facultatibus, ut ulteriori refutatione non indigeat, decrevi dumtaxat examinare quid senserint neoterici, deinde verò quid hac de re sentiam paucis exponere. Quod quidem ut clariùs & aliquo ordine perficiatur, liceat caput istud in duos articulos subdividere, in quorum primo neotericorum opinionem de motu antiperistaltico proponam, propositamque refellere conabor; in altero verò genuinas Ileii causas pro virili parte afferam.



ARTICULUS PRIMUS.

*Sententia neotericorum de motu antiperistaltico expenditur
& refellitur.*

QUO plenius intelligatur recentiorum opinio de motu antiperistaltico, afferenda est statim in medium naturalis hæc intestinorum mechanica, quâ libero alioquin manente intestinorum ductu, semel assumpta interiùs liquida solidavè successivè ad partes inferiores, ac tandem ad anum usque continuato tramite devolvuntur. Mechanicam hanc (neque enim illud reticere possum) primus omnium D. Chirac ^a Professor Regius sapientissimus, Academiae nostræ decus & ornamentum, tanta cum diligentia dilucidavit, ut certè nisi me movisset veritatis amor, & jamdudùm ab ipso didicissem grande piaculum esse apud omnes disciplinarum cultores jurare in verba magistri; tanti viri auctoritatem veritus nusquam suscepissem, tam ingeniosam, tamque verisimilem hypothesim confutare.

Ad clariorem autem mechanismi illius intelligentiam, statuit 1°. laudatus Author cum omnibus Anatomicis, intestina duplici instructa esse fibrarum musculosarum ordine, orbicularium scilicet & longitudinalium, quarum ^b *alternâ contractione & coarctari ductus interior quo pervia sunt, & breviari eorundem longitudo facile queat.*

^a Tractat. de Ileo. Sect. 1. ^b Ibid. Sect. 1.

Statuit 2^o.^a *tanquam indubitatum*, intestina ubi peritùs inanita sunt, immota permanere; nec nisi sollicitata quomodocumque conspicuum ullum edere motum, donec à stomacho suppedietur vel rudimentum chyli, aliudvè, quidquid illud sit, quo stimulentur ad contractionem successivè & vermiculariter perficiendam.

Quibus ita stabilitis ut explicet deindè quì fieri possit ut motus ille successivus duodeni priùs imoti à pyloro ad extremum usque rectum continuetur, sic loquitur: *b* Age enim supponamus, contractione ac pressione ventriculi trusam aliquantam chyli partem in duodenum; certè quoniam illud protinùs ad contractionem novam sollicitatur, fluxilem contentam materiam quam circumambit, ac stringit, trudet pelletque aliquorsum; non in ventriculum, cujus ostium præterquam quod pariter fibris annularibus munitum, strictiusve à natura quàm continuum appensum intestinum, valvulâ insuper instructum est, quâ inhibeatur regressus semel exclusorum: ergo in proximè sequentem ductus intestinalis partem: cum autem illa ipsa intestini pars quæ 2^o. chylum excipit, eundem pariter premat, exprimatve, trudendus ille similiter in aliquem locum: non in priorem duodeni partem, à qua jamjam defluxit, quippe quæ nondùm à contractione remisit quæque ideò locum non præbet expresso fluido; ergo in subsequenter tertiam volutandus est, parique mechanicâ à tertia ad quartam, & sic de reliquis pergendo ad rectum.

In hunc modum traditâ naturalis & vermicula-

a Ibid. Sect. 1. b Ibid.. Sect. 1.

ris intestinorum motus mechanicâ , haud difficulter intelligendum esse asserit, ^a *Quâ* alimenta ingesta , seu feces amandata motu peristaltico in remotiores etiam intestinorum partes , hinc rursùm mutata velificatione , relegant iter ad stomachum , immanè mox vomitu rejicienda. Enim verò quoniam tota ratio peristaltici motus supernè deorsùm ex dictis petitur ex obice circa ostium pilori , quo cùm superari non possit , determinatur chylus duodeni contractione compressus alioversum in continuum duodeni aut Ilei ductum , & sic successivè ad alias atque alias intestinorum partes : planum est siquidem chylosa materia consueto illo motu intestinorum à ventriculo ad dissitam quandam intestini partem Ilei putà transmittatur ; ita tamen ut illa propter angustiam , obstructionem , compressionem , aut aliam quamcumque rationem ulterius pergere non possit , illam inde regressu facto ac motu contractivo intestini in adversam partem determinato , rursùm ad stomachum undè profluxerat reportandam. Quæ mechanica (addit idem Author) inversi seu antiperistaltici intestinorum motus manifestior evadet si supponamus ut in prima figura patet , Ileum intestinum A. B. aliquò loci putà in C. constrictum , fluxissequè eò usque motu ordinario chylosam materiam ex superiori parte A. continuato tramite ad C. occupetque spatium devoluta materies D. C. certè quoniam illa cum semel eò appellit ob inditum motum , incitat novam fibrarum annularium contractionem ; imò & re ipsâ retrahuntur illa , brevantque , ac stringunt cavi-

^a Ibid. Sect. 2.

tatem, contenta materia vim illaturæ; proindeque illa ob pressionem quam experitur, & loci angustiam aliquorsum, & quâ datur facilis exitus sese diffundet; non in C. B. Ilei partem inferiorem ut quæ ex suppositione constricta & clausa est circa C. repugnatque ineluctabiliter oblata materia: ergo in superiorem D. E. trudenda est, contractioneque fibrarum annularium hujusce partis iterum exprimetur in E. A. & sic pergendo ad stomachum usque: cum enim intestini pars C. D. undè primum excluditur materia, non cesset protinus à contractionis opere suscepto, quo tempore illabitur expressa materia in partem D. E. contrahiturque hæc eadem necessitate mechanica. Fit ut indè etiam expulsa, cum non possit facile retrogredi versùs E. D. in qua contractionis motus adhuc viget, in liberius spatium E. A. viam muniat, & sic deinceps donec totum remetiat intestinali ductum ad ventriculum usque.

Et hæc est hypothesis à Lycæi nostri coryphæo tam ingeniosè excogitata, ita dilucidè exposita, mechanicis innixa principiis, imò (dicere ausim) ita verisimilis, ut primâ fronte omnium assensum quasi extorquere videatur; illius sententiæ probabilitas ac perspicuitas, adeò mentem perculit, ut nihil verius certiusque hac de re excogitari posse crediderim; sed seriò cogitanti de hoc antiperistaltico intestinorum motu, & ad ipsius mechanicam attendenti, maximam dubitationem attulit experimentum omnibus cognitum, tentatum à D. Chirac, ^a & à me summa cum diligentia & reli-

^a Ibid. Sect. 3.

gione pluries repetitum, ex quo (nisi quis fuerit pertinax vel præjudiciis obcæcatus) tunicam ventriculi carneam non modo motu antiperistaltico carere, sed, quod magis est, nihil omnino vel parum ad vomitum conferre, planè evincitur: ratus etenim ex anatome, intestina eandem fermè structuram ac ventriculum à natura obtinere, suspicatus sum ea quæ de inversa intestinorum contractione proferrent passim auctores in Ileo, ingeniosæ quidem mentis sobolem esse, at non solidiori niti fundamento quàm priorem de vomitu hypothesein, ac proindè, si hæc experimento certissimo corrueret penitus, illam quoque funditus ruituram esse conjiciebam.

Suspicionem meam magis & magis confirmabant plurima nec levia rationum momenta, quibus motum intestinorum inversum, si non falsum omnino, saltem dubium esse & rationi quadantenus dissonum facilè percipiebam. Et 1°. quidem cum perpendens summâ animi contentione quæ gerebantur in passione iliaca, observarem aliquando intra breve tempus & liquida, juscula nempe, salivam, aliaque continuò deglutiri, & deglutita semel mox rejici stercoris nidore infecta; exindè deducebam eandem intestina brevi temporis intervallo motibus licet planè diversis agitari, nunc peristaltico & naturali, ad deglutitionem & descensum fluidorum in intestinorum cavitatem, nunc verò antiperistaltico, ut scilicet contenta in intestinis ad ventriculum usque remeant, indèque per vomitum foras ejiciantur, quod certè difficile omnino, ne dicam

impossibile esse existimabam.

2°. Quoniam ea quæ supra obicem per os, illa verò quæ infra obicem continebantur, per podicem vel simplici naturæ ductu, vel artis auxilio eliminari cernebam; cùm insuper ad superiora ascendere nequaquam posse stercorosam materiam absque motu antiperistaltico, neque fæces infra obstaculum ad inferiora protrudi sine motu peristaltico & naturali contenderent, religiosi motûs vermicularis & antivermicularis fautores; hinc colligebam diversas ejusdem tubi intestinalis partes tunc temporis duplici motu penitùs opposito movendas esse: quod profectò animum veritatis avidum dubitatione scrupulisque non parùm scindebat.

3°. Cùm in vomitu bilioso, bilis à cavitate duodeni, cui naturaliter inseritur ductus choledochus, ad stomachum reducatur, flavescens quo inficitur colorem materiis ejiciendis communicatur; cùmque aliundè adversarii mox allato de vomitu experimento confisi, hoc fieri posse sine ullo motu antivermiculari ejusdem duodeni ultrò confiterentur: haud dubius inferebam fæces & aliam quamcumque materiam è cæteris intestinis ad ventriculum pariter retrogredi posse, motu antiperistaltico eorumdem intestinorum nullatenùs concurrente.

4°. Quoniam ex jam allata motus antivermicularis mechanica liquet Ileum non induci, nisi ex eo quòd materia chylacea aut ipsæ fæces, quæ motum impertiunt fibris carneis intestinorum, non possint obicem vincere, & hac ratione cogantur superiùs determinari; sequitur manifestè fore ut,

quoties impedito intestinali alveo chylus aut fæces non poterunt iter pergere ad anum, mutatâ determinatione & successivè factis contractionibus ab inferna parte ad supernam, relegant gressus ad stomachum undè primò defluerant, & brevissimè Ileum confirmatum accersant. Atqui tamen explorabam illud adversari quotidianæ experientiæ, quâ constat sæpissimè viam præcludi fæcibus excernendis, ut in constipationibus diuturnis videre est, quin tamen vomitus stercoris subsequatur: ergò non sine fundamento falsam esse hanc motûs antiperistaltici mechanicam concludebam.

5°. Animadvertēbam vas quodcumque, plenum liquore, altero extremo obturatum, altero apertum, in quibuscumque sui partibus compressum, ex æquo contentum liquorem, nonobstante innatâ ipsius gravitate, per apertum extremum effundere. Nec mirum: cum enim juxta liquidorum legem, ab omnibus Physicis acceptam, constet liquida eò loci determinari ubi minorem inveniunt resistētiā, perspicuum est quacumque parte vas comprimat̃ur liquorem constanter per aperturam utpotè quæ minùs resistit foras effluxurum, quod ut clariùs innotescat, fingamus (figura 2.) canalem *A. B. C. D.* clausum in extremitatē *V.* apertum in *I.* in situ perpendiculari positum, compressibilem, & aquâ repletum: ponamus insuper eundem canalem exterius comprimi vel in inferiori parte *f. f.* vel in media *e. e.* vel in superiori *o. o.* his ita positis, dico fluidum contentum quacumque inductâ compressione perindè exiturum: quippè dùm accedunt ad sese vel parietes
canalis

canalis *f. f.* vel *e. e.* vel *o. o.* liquor impellitur, ergò aliquò moveri debet & locum mutare, non versus *V.* obstat enim & plenitudo canalis & obex inferior insuperabilis, ergò versus loci differentiam planè oppositam movendus erit & per superius foramen *I.* effundendus.

Hæc dum ad intestina referebam, simplici suppositâ eorundem repletionem ab obice ad ventriculum facili negotio rem expediri posse putabam sine motu antiperistaltico, eoque magis quòd exploratam haberem duplicem vim motricem intestina exterius comprimentem, diaphragma, nempe, & musculos abdominis, quorum contractionibus vomitum deberi iterata jampridem comprobaverant experimenta.

Ultimò tandem, quamvis tubus intestinalis non omninò turgidus foret ab obice ad stomachum, dummodò causæ motrices superius assignatæ, quemadmodum stomacho, dum fit vomitus, ita & intestinis sufficientem in Ileo compressionem inferrent, pares esse mihi videbantur promovendo contentorum refluxui; unde suspecta ex omni parte mihi visa est hæc mechanica quæ inutilia admittebat, motum dico inversum musculosæ intestinorum tunicæ.

His itaque rationibus commotus, me totum contuli ad superius expositum motûs antiperistaltici mechanismum sedulò examinandum: cùm autem cernerem rationem præternaturalis illius motûs deduci ex supposita semel peristaltici mechanica, & hocce potissimum fundamento fulciri; existimavi si motus hic expellendis naturaliter contentis impar

effet, antiperistalticum imparem quoquè futurum esse.

Neque me fefellit opinio, namque rem accuratè pensitanti in eo statim decipi mihi visi sunt motûs antiperistaltici defensores, quòd statuerent contenta in ventriculo à piloro ad extremum usque recti successivè protrudi, propter continuatum duntaxat fibrarum intestinalium motum; parùm aliundè solliciti de aliis causis, quæ quidem non dico ad accelerandum, sed ad promovendum contentorum descensum suo modo & essentialiter concurrunt. Age, verò supponamus cum illis eructatam aliquantam materiæ chylaceæ portionem à stomacho *A.* (fig. 3.) versus duodenum *B. C.* aptam esse quæ superet pilori *E.* resistantiam, viamque sibi sternat in duodeni cavum: supponamus pariter quod illi taciti supponunt, quodque nemo sanæ mentis in dubium revocare audeat, hanc materiæ ingressæ copiam tantillam non esse, ejusque tenuitatis, cujus ratione unicæ tantùm fibræ orbiculari respondeat: sed plures eodem tempore fibras distendere, & ad novum suscipiendum contractionis motum stimulare; ita ut quod vulgò de motu peristaltico proferatur, de partibus intestinorum sensibilibus, intelligi debeat, non autem de singulis fibris seorsim consideratis. Hoc posito perpendamus utrum 1°. impulsa materies è ventriculo, iter suum pergere possit solâ vi contractionis fibrarum alternatim factæ. Atque ut ab ipso motûs exordio progrediamur, supponendum rursus materiæ chylaceæ quæ duodeni *B. C.* cavitatem subiit sex fibris orbicularibus respondere,

superioris ejusdem intestini partis 1. 2. 3. 4. 5. 6. patet statim laudatas fibras in tota spatii repleti longitudine dispositas, succutiendas esse, & ex tradita superius mechanica omnes uno & eodem tempore decurtandas; planum est quoque imminuendam supernæ duodeni partis *B. b.* diametrum, contentaque aliquò propellenda: an verò hac simplici intestini duodeni contractione inferius motum susceputura sint, non tam facilè liquet, imò illud impossibile videtur. Quorsum enim, quæso, id ita fieret? an quia materiæ illæ instinctu quodam vel genio, infernam intestinorum partem affectant? an quia hanc ipsis impertitur motûs determinationem intestinalium fibrarum constrictio? Sed 1°. neque instinctu ullo aut genio aliquo peculiari agere materias illas suspicari poterit quisquis ad earum naturam cum physicis tantisper attendens, noverit eas esse ad quamlibet determinationem motus suscipiendam indifferentes. Neque 2°. statui potest majori fundamento, contenta fluida è ventriculo prius expulsa, contracto angustatoque intestini duodeni ductus ad inferiora potius quàm ad superiora determinari: cùm enim, ut ita dirigeretur motus, deberet causa movens ponè & secundum lineam *B. b. l. c.* applicari, posterioresque fluidorum partes ita impellere, ut ad anteriores quæ inferius prospiciunt, tendere ac progredi possent; cùmque ulterius hac contractione orbicularium fibrarum canalem intestinalem constringentium, non secundùm hanc directionem motûs sed lateraliter tantùm fiat impulsio, planè sequitur deducta è stomacho fluida, tam ad

partes superiores quam ad inferiores esse derivanda, & consequenter contractionem intestinorum peristalticam, ad materierum contentarum tum ascensum, tum descensum ex æquo concurrere; ergo hac ratione evidens est peristalticum seu vermicularem intestinorum motum prorsus imparem esse contentis inferiùs ad anum usque successivè deturbandis.

Verum, inquiet aliquis hoc ingeniosissimo aliquin mechanismo captus, aliò protrudi nequeunt in intestino duodeno contenta, quàm ad inferiorem ejusdem intestini partem: quamvis enim impellantur secundùm latera, adeoque tam versùs ventriculum à quo defluerunt, quàm versùs locum oppositum determinari videantur; quoniam tamen sphincter ventriculi, pilorus nempe, huic usui dicatur à natura, ut concedat exitum materiæ chylacæ ad intestina, regressum verò ab iis deneget, debebunt necessariò contenta propter obicem oppositum flectere iter, & ad inferiora vergere, proindèque hac laterali impulsione determinationem motûs inferiora versùs accipere. Verùm neque id rectè constitui potest, nam licet sphincter interdum aliquatenus occludatur, non tamen exindè deducendum, illum impediendo contentorum ascensui, sed potius alimentis assumptis & ore priùs ingestis in ventriculi cavo aliquandiu continendis inservire, ut scilicet contracta ibidem sufficienti morâ, eorum particulæ, ut par est, subigi, alterari, comminui possint fermentorum beneficio, & in pultaceam materiam converti. Huic usui potissimum destinari pi-

lorum, non modo comprobatur vomitus biliosus, quo constat bilem ab intestino duodeno sursum ad stomachum ascendere, non obstante pilori resistentiâ; sed & factum à me ac sæpius repetitum experimentum, quo compertum manet, sphincterem illum valvulæ officio nullatenus defungi posse ut creditum fuit hactenus. Sic autem processit experimentum: abdomine viventis felis quam celeriter fieri poterat dissecto, intestinisque eductis, duodenum secundum ejus longitudinem scalpello aperui; mox tentavi per ipsius cavitatem apertam liquorem in ventriculum immittere, eâ tamen adhibitâ cautione ut contentus liquor vel minimâ vi propelleretur; vidi ventriculum eâ proportionem turgescere, quâ pulso magis ac magis syringis embolo major continuo accedebat liquoris copia, facile ut adverterem liquorem injectum levi negotio pilorum transgredi, & ventriculi cavum subire: rursus aëre insufflato rem ex æquo successisse observavi, nullatenus resistente piloro. Ex quo experimento satis evincitur sphincteris usum ab omnibus Anatomicis assignatum, prorsus esse explodendum.

Sed forsitan regeres: ut sphincter ventriculi materierum regressui obstat, sufficit ut pars inferior *b.* ejusdem figuræ 3. superiori *B.* liberior sit; cum enim contenta in stomacho prius fermentata & dissoluta, ad quandam fluxilitatem perducta sint; cumque insuper fluida eò loci tendant ubi minor est resistentia & via liberior, sequitur ea migratura viam ad partes inferiores magis apertas, & secundam intestini duodeni partem *b. l.* occupatura, sic-

que successivè ad anum usque : ita ut perspicuum exinde sit , motu peristaltico à ventriculo ad podicem continuato , materias contentas successivè per inferiora detrudendas. Quasi verò , etiamsi pars duodeni inferior superiori multò liberior sit & amplior, omnes inclusorum fluidorum partes ad inferiora duntaxat deducendæ sint ? hoc unum indè colligendum, eas faciliùs per partem inferiorem quàm per superiorem expellendas; nec illud eorum ascensum ad stomachum prohibere videtur. Quorsùm enim , amabo , pars prima hæc contracta intestini *B. h.* accepta fluida ad infernam & proximè subsequenter partem *h. l.* impellet ? cur ex æquo eadem non trudet ad stomachum , ubi si non tam libera tamque aperta , saltem aliqualis patet remeantibus fluidis via ; atque ita , si non eandem contentorum copiam , saltem aliquam eorum partem aperti pilori diametro respondentem ascensuram esse consequens est , dùm major pars per canalem inferiorem ad anum migrabit. Hinc quoque certum est , majorem hanc contentorum partem semel propulsam ad *h. l.* non posse ex toto solâ villorum intestinalium contractione ad podicem pertingere. Quamvis enim prior pars *B. h.* intestinalis ductûs in contractione sua aliquandiu perseveret , proindeque imminutâ cavitate difficiliter iter reperiant contenta in spatio *h. l.* versùs superiorem locum *h.* quam versùs inferiorem *l.* quoniam tamen intestina non ita contrahuntur naturaliter , ut illorum cavitas penitus aboleatur , remanetque semper apertura quædam & hiatus quem expulsa fluida transgredi pos-

sunt : (quod quidem manifestum fit in multis animalibus , præsertim in homine , in fele , in cane , aliisque in quibus intestina si explorentur , semper aperta intus & hiantia reperiuntur , nusquam ita constricta ut oblitteretur eorum cavitas) sequitur , quemadmodum , ut jam diximus , pilorus contentorum in *B. h.* aut saltem alicujus eorum partis regressui obstare non potest , ita pariter nec eandem superiorem partem contractam *B. h.* ascensum eorum quæ in *h. l.* continentur impedituram , sicque totam percurrento intestinorum longitudinem , facile datur inferendum contenta simplici contractione intestinalium fibrarum successivè factâ , non ex toto tendere ad anum , sed partim superius , partim inferius determinari.

Mechanicam hanc intricatam inutilia complexi , simplicibusque repugnare naturæ legibus , non erit arduum ostendere : cui enim usui duplex ille motus contentorum adversus & oppositus , alius quo ad inferiora , alius quo ad superiora vergunt ? quæ natura , quæ eandem in omnibus suis operibus servat œconomiam , breviorique viâ utitur , duplicem illis motûs determinationem conciliatura esset dum unica sufficit ? quâ ratione demùm intelligi potest , ut fluida è ventriculo semel impulsâ in duodenum , rectâ tendant ad locum *h. l.* mox quoad partem redeant ad stomachum *A.* unde prius exierant ut iterum ex eodem excludantur ?

Corruit ergo hac de re neotericorum sententia , aliaque necessario admittenda sunt , quorum ratione materierum ascensus præpediatur : hæc autem

tria esse præcipua arbitramur, nempe materierum gravitatem quâ feruntur deorsum, semel susceptam determinationem motûs à stomacho ad partes inferiores, & materiam continuò retrò appellentem à succedente diaphragmatis motu. Etenim 1°. cum duodenum stomacho appensum à superioribus ad inferiora protendatur, sequitur fluida exeuntia pondere suo aliquatenus deprimi, ac proinde illud idem pondus eorundem ascensui quadantenus obstare posse; cum pariter materiæ contentæ in ventriculo motum accipiant versùs inferiora dum à diaphragmate agente propelluntur, liquet etiam eas facilius deinde movendas juxta eandem determinationem motûs. 3°. Demùm cum diaphragma repetitis motibus, per vices materiam chylaceam in intestina detrudat, rectoque motu adigat versus *C.* debet hæc necessariò impedire motum oppositum, quo partes fluidorum contentorum à *C.* in *B.* moveri niterentur: ergo tria hæc quatenus obstant contentorum ascensui, eorundem progressum ad anum usque non modo juvant, sed mirum in modum promovent; quod ut ulteriùs innotescat, breviter nunc afferamus motûs peristaltici mechanicam, quam ex superiùs allatis, & quibusdam ex autopsia anatomica desumptis facile erit deducere.

Atque ut res ordine procedat quædam cum Anatomicis supponenda sunt. Primum est diaphragma spectandum esse tanquam prælum ventriculi, à quo præcipua vis quâ ipsius cavitas coarctatur: cum enim ex Anatomia partium in abdomine contentarum omnibus exploratum sit, stomachum infra diaphrag-

ma positum esse, planum est vim diaphragmatis sese contrahentis, præsertim esse applicandam subjecto ventriculo, quem immediatè tangit, ac per consequens faccum hunc membranaceum, utpote proximiorè diaphragmati, ex istius complanatione seu quod idem est contractione, præ cæteris infimi ventris visceribus esse comprimendum.

Secundum suppositum. Quoniam ex situ quem muscoli abdominis obtinent à natura liquidò patet, eos non posse contrahi, quin tota abdominis regio quam circumvestiunt, & exterius obvolvunt, fiat angustior, nec ita angustari regio abdominis, quin intestina immediatè subjecta maximam patiantur compressionem, sequitur fore necessariò ut muscoli prædicti considerari debeant tanquam intestinorum torcular & potentia motrix: quamvis enim communis sit eorundem actio reliquis omnibus visceribus, aliisque præterea usibus destinata videatur, huic tamen potissimùm inservire facile crederem, quod quemadmodum vis motrix diaphragmatis ventriculo, ita & vis motrix musculorum abdominis subjacentibus intestinis immediatè applicetur.

Tertium suppositum. Constat apud Anatomicos ventriculum & intestina tunicâ muniri musculosâ, duplici fibrarum ordine instructâ, quarum aliæ aliis subjiciuntur; prioris ordinis fibræ & exterius positæ, quia per totam intestinalis ductûs longitudinem protenduntur secundum lineam rectam, longitudinales audiunt: posteriores verò quæ in orbem dispositæ annulorum instar intestina ex omni parte cingunt, prioresque ad angulos rectos fecant, orbiculares seu

annulares nuncupantur. Hujusmodi tunicam contractionem suam peristalticam tum ventriculi, tum intestinorum motum absolvere, nullus est qui negare audeat: an verò solæ illius longitudinales fibræ, an orbiculares duntaxat, an denique utraq;ue, vel successivè, vel uno & eodem tempore ad hoc opus perficiendum conspirent, longior est quæstio quam ut possit hic definiri, istud tantum obiter dixisse satis sit de quo omnes conveniunt, longitudinalium contractione abbreviari fistulam intestinale, orbicularium verò arctari atque constringi ita ut hac mechanicâ contractis intestinis, contentorum pars tenuior fluidiorque exfugatur vasorum lacteorum osculis, crassior verò & fæculentior ad podicem usque urgeatur, brevi tanquam inutilis rejicienda. Motum hunc peristalticum seu vermicularem non solum admittunt omnes passim Anatomici, sed & vidisse se multi testantur Authores: ego verò in intestinis, quantacumque operâ & industriâ rem exploraverim, illum de tegere nusquam potui; observavi tantum subsultum quendam tum arteriarum, tum tunicæ intestinorum, seu motum quendam tremulum, quem tamen non nisi ope microscopii percipere poteram. Quod ad ventriculum spectat, facile nudis oculis talem deprehendi motum in felium catulis, dum aperto duodeno, liquor quidam in ventriculi cavum per syringem immitteretur. Namque animadverti, distento ab injecto liquore ventriculo, paulò post successivum quendam motum à sinistra ejus parte ad dextrum usque orificium, inferius scilicet, continuari, & per aperturam duodeni liquorem eâ proportionem ef-

fluere quâ turgens decreſcebat ventriculus. Hoc experimento iterum atque iterum tentato convictus, & aliunde conſcius inteſtina ventriculi ſtructuram penitus æmulari, collegi apud me utramque membranam eorum carneam eodem gaudere privilegio, atque ita inteſtina perinde ac ſtomachum motu ſuo periltaltico contentæ materiæ deſcenſum quadantenus promovere.

Quartum ſuppoſitum. Ultimò ſupponendum cum Phifiologicis, tantam intereſſe neceſſitudinem tunicæ nerveæ cum carnea ventriculi & inteſtinorum, ut priore quomodocumque laceſſitâ, ſpiritus ad commune ſenſorium reſtui, nervorum tunicæ poſteriori proſpicientium oſtia ſubeant, ejuſque contractionem moliantur.

Ex his ita ſuppoſitis liquet 1°. triplicem agnoſcendam eſſe vim, quâ contenta in ſtomacho ad anum propelluntur, motum diaphragmatis agentis præcipuè in ventriculum. 2°. Contractionem muſculorum infimi ventris comprimentium inteſtina. 3°. Demum fibrarum inteſtinalium conſtrictionem.

Liquet 2°. Valdè inæquales eſſe earum potentiarum vires, ita ut magni ſit momenti diaphragmatis & muſculorum abdominis actio, parvi autem inteſtinorum & ventriculi; unde tum in diſtributione chyli, tum in contentorum propulſu, tum quoque in ejectione ſæcum priores cauſæ principatum obtinere videntur, aliis aliquatenus quidem, ſed parum conferentibus: cujus rei contrarium ſtatuunt recentiores, qui hos omnes effectus imprimis adſcribunt periltaltico ventriculi & inteſtinorum mo-

tui , cæterasque potentias motrices quæ primas tenent , tanquam causas adjuvantes duntaxat astruunt.

Hinc 3°. colligitur , tempore inspirationis quo diaphragma è convexo planum fit , compresso ventriculo materiem contentam propelli in intestina , quæ dein expirationis tempore à musculis abdominis angustata , acceptum semel fluidum altius deturbant. Sic successivis hujusmodi torculorum compressionibus fit ut feriante alterutro , alterum labores suos exantlet , contentaque ad debitos naturæ terminos perducantur.

Jam verò , his in hunc modum enucleatis , juvat mechanicam hanc breviter expromere. Itaque statim supponere liceat diaphragma complanari , compressoque ventriculo ac paululùm juvante vermiculari ventriculi motu , protrusam aliquam materiæ chylaceæ partem ad pilorum accedere , ejusque resistenciam superare. Hoc posito, debebit materia hæc propulsa , quâ motu suo , quâ gravitate , appensi duodeni cavitatem subingredi , & spatium quantitati suæ respondens occupare ; hæc ingressa debebit rursus , cessante diaphragmatis motu , ab altero quod supposuimus prælo intestinis superincumbente de novo expelli ; etenim cùm diaphragma & musculi epigastrici antagonistarum instar naturaliter se habeant, factâ illius relaxatione expirationis tempore , hi necessario contrahendi sunt : sed vis contractiva musculorum abdominis , quam in hoc opere præcipuam esse diximus , prædictæ & repletæ intestini parti applicari nequit , quin comprimat illam ipsiusque cavitatem notabiliter coarctet ; neque coarctari potest

cavitas intestini, quin contenta denuò propellantur, ergo hac subsequente musculorum infimi ventris contractione, contenta in intestino duodeno fluida jam è ventriculo expressa, rursùm expellenda fore consequens est. Porro eadem ingressa materies, nerveam intestini membranam tum fluiditatis motu agitando, tum mole concutiendo, tum salibus irritando vellicandove, hanc ita afficiet ut pro mechanica dispositione cerebri, spiritus ejus incolæ propter stabilitam nervorum communionem in fibras carneas transmittantur, ipsisque novum contractionis motum impertiant; sed non poterunt illæ novum contractionis motum exercere, quin pariter immutâ intestini cavitate, contenta aliò recedere cogantur, ergò ulterius evidens est vim contractivam intestinorum, licet minimam, cum priori vi longè majori conjunctam, inclusis fluidis novum superaddere motum illi quo priùs agebantur ab impulsione septi transversi, proindèque eadem iterùm esse expellenda. Verùm quò se recipient? profectò eò loci versùs quem minorem invenient resistantiam; sed nihil est in inferiori parte quod contentorum descensum præpediat, tria verò sunt præcipua, ut patet ex jam dictis, in superiori, quæ ascensui reluctantur; ergo contenta non sursùm, sed deorsùm ad secundam & proximam intestini partem, à secunda ad tertiam, à tertia ad aliam, & sic successivè ad podicem usque movenda sunt. Atque hæc est ratio mechanica contentorum descensûs ex qua satis patet, quantum illi à veritatis tramite deflexerint, qui totum illud negotium in peristalticam villorum in-

testinalium contractionem refundendum esse sentiebant.

His ita expositis de motu vermiculari, arduum non est demonstrare contentorum refluxum repeti non posse à motu antivermiculari intestinorum. Si quidem 1°. cum ex tradita ab adversariis motus peristaltici mechanica, constet fibras carneas intestinorum à piloro ad obicem successivè contractas impedimentum producere, quo præpeditur regressus ascendentium fluidorum, impossibilis videtur antiperistalticus, seu inversus hujusmodi intestinorum motus: namque ut ille fiat, necesse est fibras inferiores obici proximas contrahi, sed istæ contrahi nequeunt ob contranitentem scilicet fibrarum superiorum contractionem nondum finitam quæ, juxta adversariorum mentem, contractionem antiperistalticam antecessit; ergo impossibilis pariter motus antiperistalticus, ac consequenter ascensus materierum ab hujusmodi causa deduci non potest.

Obstat 2°. materierum regressui semel accepta motus determinatio à diaphragmate, seu quod idem est, impetus ille quem contenta à diaphragmate mutuantur, & quem insuperabilem esse certum est. Etenim nemo inficias eat, complanato diaphragmate abdominis viscera deorsum pelli atque adeo illius musculi contractioni cedere; præsertim si attendat ad ea quæ geruntur in vomitu, in ejectione fæcum, in partu, in singultu, imò & dum pro voluntatis imperantis arbitrio magnam edimus inspirationem: sed illud fieri nequit, quin contenta in intestinis fluida trudentur inferius, adversumque suscipiant motum,

ei quo ascensura sunt planè oppositum ; ergo hinc liquet vim , quâ trudentur inferiùs contenta à diaphragmatis motu , esse majorem illâ quâ conantur ascendere , ac proindè futurum ut contractivus septi transversi motus , à causa motrice longè minori , motu nempe antiperistaltico , vinci nullomodo queat.

3°. Demum , cùm repetitis diaphragmatis contractionibus , materia chylosa è ventriculo intestinis suppeditetur , novaque semper accedat priorem urgens ulterius , ipsiusque motum progressivum juvans ; sequitur quâ proportionè obstructum infertur intestinum motu peristaltico , eâdem fermè , superiora replenda fore , ac proindè materiæ ad impedimentum devolutæ superincumbere fluida , quæ pondere suo hujus ascensui renituntur. Namque ut hæc materia sursùm ascenderet motu antiperistaltico , deberet pars obici proxima suâ contractione totam liquidi superincumbentis columnam attollere , quod nec rationi , nec experientiæ congruit ; non rationi. Quandoquidem inter agens & patiens debet esse certa quædam proportio , vis autem infimæ partis intestini , quæ motum incipit antivermicularem , vix sufficit ad exiguam duntaxat molem contentorum in ejus meatu sursùm repellendam ; à fortiori impar est toti fluidorum columnæ ab obice ad ventriculum superiùs repellendæ. Non experientiæ. Etenim juxta observationes infra recensendas , constat intestinum in morbo iliaco prope obicem multùm distendi & contractioni suscipiendæ ineptum prorsùs evadere ; ex quo inconcussum manet , vim quâ fluida ad intestinum obstructum appellant , esse longè majorem

câ quâ idem intestinum à præsente materia chylacea aut stercorosa stimulum sese contrahere nritur, ac per consequens hanc non posse aliam superare.

Si quis tamen cerebrosus his rationum momentis non convincatur, ad experimentum accedat, sic procedendo: aperto felis adhuc viventis abdomine, intestinum Ileum filo liget, confutoque vulnere felem ab omni vinculo liberum in caveam immittat, instructam cibo potuque, atque ita æreo stamine conflatam ut ab adstantibus animal possit facile observari: videbit post viginti sex circiter horas plus minusve felem hunc pituitoso vomitu tentari, mox post aliquot horas materiem per superiora rejicere stercus planè redolentem: quo tempore si experimentalis Medicus eorum quæ in intestinis geruntur curiosus sit indagator, aperto iterum vulnere, Ileum ligatum & ex abdominis claustro eductum comperiet supra obicem adeò distentum ut duplò aut etiam longè majorem naturali obtineat diametrum, interius fluidis turgidum, inflammatum supra ligaturam injectam, nulloque motu tam peristaltico quàm antiperistaltico præditum, quantumvis aciculâ vel scalpello aliisve instrumentis acutis pungatur, aut ipsius membranæ dilacerentur; imò persequendo intestina ab obice ad stomachum, observabit fistulam intestinale etiam ad ventriculum usque pergendo repletam esse, hoc interim discrimine, quòd quò magis itur ad superiora, eò minus turgida ac distenta intestina appareant, & è contra si fiat progressus à piloro ad obstaculum, major semper

per reperiatur distensio, ita ut intestina pyramidem quandam non malè referant, cujus basis in parte intestini obstructa, cuspis verò in piloro posita sit.

Undè sequitur 1°. distentionem intestini supra ligaturam, vim majorem ex parte fluidorum appellantium supponere, quàm ex parte fibrarum contrahendarum & contenta fluida expellere conantium; ergo intestinales fibræ vi suâ vincere nequeunt fluidorum contranitentium impetum, ergo impossibilis earum contractio, præsertim in parte impedimento proximiori.

2°. Motrices intestinorum fibras haud idoneas esse contractioni deducitur ex inflammatione quæ supra obicem observatur; nam cum indè multum turgeant vasa sanguifera ob præternaturalem cruoris hærentis & fermentescentis copiam, fieri non potest, quin fibrarum cellulae tum compressionem tum distractionem patiantur, ac proinde adeò angustentur ut debitum spirituosum laticis penum difficile recipiant, & consequenter quin contractioni impares sint; undè mirum nemini videri debet, si punctum aut quomodocumque vellicatum intestinum in parte supra obicem inflammata, nullo ne minimo quidem motu cieatur. In quo Sennertus, ^a Auctor multiplici alioquin nomine commendandus, cum aliis toto cœlo aberravit, dum temerè nobis obtrudit, *quòd intestina quæ aliàs obscuro quodam motu moventur, hic, id est in Ileo, manifestè convolvi & quidem versùs superiora moveri videntur.*

^a Lib. 3. part. 2. sect. 2. cap. 1. de motu intestin. invers.

3°. Contractionem intestinorum antiperistalticam non solum in parte inflammata, verum etiam superius fieri nequaquam posse exindè perspicuum est, quòd intestina, quâ parte stomachum, quàm quâ obicem respiciunt, angustiora reperiantur; quippè cùm antiperistalticus motus in inferiori parte incipiat ex Adversariorum sententia, deberet contenta materia versùs pilorum propulsa, multò magis superiores intestinorum partes dilatare atque distendere, contra quam tamen accidit.

Hoc unum adjicere, invitum me cogit veritatis assequendæ cupiditas, præfatum Authorem ^a non minùs hallucinatum fuisse, cùm statuit distributionem chyli ab inverso intestinorum motu impediendam: atque, ne quidpiam à me gratis dictum putetur, ipsius verba inferam. *Cùm secundum naturam distributio chyli & expulsio fiat in intestinis, contrahentibus sese per fibras intestinorum à superiore parte deorsum, id est, à ventriculo versùs intestinum rectum, si motus invertatur, & circulares intestinorum fibrae à parte inferiore sursùm versùs ventriculum contrahantur: quæ per inferiora dejici debebant, ad ventriculum adscendunt, & per os rejiciuntur. Habet enim se res sicuti in ventriculo in vomitu. Nam dum fibrae oblongæ œsophagi à parte superiore versùs ventriculum se contrahunt, fit deglutitio ciborum. Cùm verò inverso hoc agendi ordine à parte inferiore versùs superiora sese contrahunt, fit vomitus. Ita etiam dum fibrae intestinorum à parte superiore versùs inferiora sese coarctant, fit cibi distributio, & fe-*

^a Sennert. ibid.

cum ; contrà dum versùs superiora sese contrahunt , malum hoc excitatur. Mucrone Anatomico mihi veritatem inquirenti res aliter successit ; ligato namque Ileo in canibus , peracto viginti quatuor horarum spatio , duarum triumve circiter à pastu , cùm iterum eorum abdomen antea confutum aperuissem , vidi non sine maxima voluptate mesenterium milienis ne dicam infinitis vasorum lacteorum furculis conspicuum , quemadmodum observatur dum aliquis tentat hæc vasa chylifera interempto aliquo animali detegere ; idem etiam in iis qui jam fæces evomuerant exploratum habui : ac tandem omnium fidem confirmabit experimentum aliud à me factum : casu quodam fortuito Ileum laxiùs in cane ligavi , ita ut contentis via aliquantulum deorsùm pateret : hunc quadraginta quinque dies vivum domi servavi , quo tempore fæces seriùs ociùs , nunc per superiora , nunc per inferiora excrevit. Atqui hujusmodi animal tamdiu non potuisset vitam protrahere absque chyli subsidio, ergo in cane illo iliaco distributio chyli non impedièbatur , ut contendit Sennertus. Undequaquè igitur explodendus motus antiperistalticus , quærendaque aliò causa , cur materiæ fæculentæ ab intestinis ad ventriculum refluant , ut indè per œsophagum , tandemque per os foràs eliminentur : quod sequenti articulo enucleandum superest.



ARTICULUS SECUNDUS.

Nostra exponitur sententia.

UT nostra clariùs pateat sententia de Ileo, juvat statim varias illius causas methodo analyticâ sigillatim indagare, exordiando ut moris est à causa proxima & immediata.

Quoniam verò ratio formalis passionis iliacæ in angustia intestinorum posita est, sequitur ea omnia pro causa proxima esse accusanda, quæ poterunt talem intestinorum angustiam immediatè producere: nequeunt autem intestina angustari, nisi vel quia eorundem cavitas obstruitur interiùs, vel exterius comprimitur, vel diutiùs & magis quàm naturaliter fieri solet constringitur & coarctatur. Triplex ergo futura est causa proxima iliaci affectus seorsim examinanda, obstructio nempe, compressio, & major ac diuturnior intestinorum constrictio.

Primò. Multiplici de causa intestina obstruuntur, ut cadaverum Ileo defunctorum sectione satis constat; vel ab induratis fæcibus, vel ab aliis corporibus cum ipsis permixtis, nunc ab aggestis in glomum lumbricis, nunc à tumore schirroso aut inflammatorio interiùs genito, interdùm à lymphæ præternaturam concreta & indurata, aliquando demùm à subingressu partis unius intestini in aliam: hæc ergo & his similia quatenùs obstruendo intestinorum angustiam pariunt, pro causis Ilei proximis habenda sunt.

Fæces obdurescere non possunt & asperitatem aliquam contrahere in intestinis , nisi aqueæ partes quibus debetur excrementorum mollities , discutiantur in auras & avolent ; nec ita avolare , nisi vel quia augetur vicini sanguinis æstus , vel quia præ nimia mora quam nectunt , naturali existente alioquin sanguinis fermentatione , maxima pars fluidorum dissipatur , remanentque crassiores & ficciores assumptorum particulae , quarum ratione excrementa superficiem valdè inæqualem & scabram consecutura sunt. Quidquid ergò aptum erit sanguinis calorem in intestinalibus vasis adaugere , vel consuetum excrementorum descensum remorari , poterit illud omne fæces indurando remotè Ileum excitare. Intenditur calor sanguinis præterfluentis intestinalis , vel quia tota sanguinis massa solito magis æstuat , vel quia in intestinis ratione peculiari magis quàm in cæteris corporis partibus fermentescit : præternaturalem totius sanguinis fermentationem accersunt assumpta omnia alimenta calida , ut piperata , falsa &c. exercitia immodica , vehementiora animi pathemata , ut ira , gaudium immoderatum &c. bilis , insensibilis transpirationis , fermenti uterini , aliorumque recrementorum , aut excrementorum suppressio , aliaque id genus ex sex rebus nonnaturalibus depromenda ; ergò hæc omnia in causarum remotarum & procatharticarum albo reponenda sunt. Insuper licet sanguis in reliquo corpore benè constitutus naturali gaudeat fermentatione , aliundè tamen poterit in intestinorum tunicis æstum suscipere solito majorem , & modo jam dicto Ileum inferre

excrementa exsiccando , si quacumque de causa vel stagnet & cumuletur in vasis hujusmodi tunicarum , vel extra earum vasa effundatur & inflammatorium tumorem procreet : ergò ulterius intestinorum inflammatio sanguinem intestina peragrantem accendendo , majoremque feri copiam dissipando , poterit intestinalem tubum obturare , ac proindè hac ratione Ileum mediatè producere. Porro retardabunt excrementorum descensum quæcumque assuetam eorum expulsionem præpedient ; sed hæc præpediri nequit, nisi propter vitium causarum à quibus dependet : causæ præcipuæ & efficientes sunt vis motrix diaphragmatis , musculorum abdominis , & intestinalium fibrarum ; ergò si retineantur fæces in intestinis , id indè erit , quia inhibetur hujusmodi potentiarum vis & contractio. Sed dici non potest illud in præpeditam diaphragmatis & musculorum abdominis contractionem esse refundendum , cum prædictæ machinæ , quandiu vivit animal , suas successivè contractionis vires semper exercent ; ergò superest ut asseramus contractiles intestinorum fibras suo constrictionis motu feriari. Hæ duplici potissimum ratione vacare possunt à contractionis opere , vel quia resolvuntur & ineptæ fiunt motui suscipiendo , vel quia deficit stimulus ille , quo proritata intestina naturaliter contrahuntur ; quidquid igitur aliquam intestinorum partem resolvere poterit , vel naturalem eorum tunicæ irritationem impedire , poterit quoque , morando consuetam fæcum expulsionem , indurare alvinas fæces , & intestina obstruere. Resolvuntur intestina , quoties nervi his

prospicientes vel obstructionem, vel compressionem, vel laxitatem patiuntur : ergò obstructio, compressio & laxitas nervorum tunicæ nerveæ prospicientium, causæque omnes hujusmodi vitia inducentes ex Paralyseos æthiologia deducendæ, debent inter causas remotas Ileii annumerari. Tandem deficiet stimulus si deficiat bilis, si partes excrementorum, quæ ab assumptis pinguibus prodire, tenaces sint & viscosæ, si intestina intus mucos quodam spissiori & glutineo obducantur, si obstructæ glandulæ quæ in concava intestinorum superficie reperiuntur, à secretionis negotio desistant, nullamque omnino vel saltem minimam muci contenti copiam exprimant, diluendis proindè aridarum fæcum salibus imparem; ergò hæc omnia, impedita bilis secretio vel excretio, alimenta sulphurea ingesta, intestinale fermentum viscosius, & defectus muci intestinalis morbum iliacum poterunt remotè producere.

Quamvis fæces naturalem liquiditatem obtineant, cujus ratione fibrarum intestinalium pressioni facile obsequantur, si tamen aliundè corpora quædam crassiora ac duriora cum ipsis permisceantur, quæ fermentorum omnium actionem eludant, & intacta integraque remaneant; sequitur intestina obstruenda fore; præsertim verò si plura simul colligantur, & mediante intestinali mucos cæmenti vices gerente compaginentur: ingesti ergò ceraforum aut aliorum fructuum nuclei, calculi pariter deglutiti, vel ex vesica fellea prodeuntes in duodenum, intestinorum viam obturando, descensum contentorum impeditura sunt, proindèque Ileum inductura.

Vermes in alicujus intestini cavitate agglomerati & in fasciculos congesti, contentis iter præcludent, eorumque descensui obstabunt; ergò vermes poterunt quoque obstructionem pariendo, intestina angustare, & modo jam dicto iliacam passionem remotè accerere. Lumbrici generantur ab alimentis dulcibus acidisque, non parùm conferente coctione læsâ & fermentorum aciditate; ergò dulcia omnia alimenta, qualia sunt fructus acido-dulces, imprimis saccharo conditi, mel, saccharum, fermenta austera, cruditates primarum viarum, acida sanguinis diathesis, aliaque, lumbricos generando, poterunt eam inferre intestinalis alvei angustiam, quæ ad Ileum constituendum requiritur.

A tumore schirroso in internis intestinorum parietibus genito occludendam esse ductus intestinalis cavitatem, item & ex notabili internæ illius substantiæ inflammatione canalem oblitterandum esse evidens est: schirrus autem à lymphâ indurata, inflammatio à sanguine effuso & fermentescente dependet; ergò quæcumque poterunt vel lymphæ in glandulis intestinorum contentæ præternaturalem crassitiem conciliare, vel sanguinis effusioni occasionem præbere, poterunt hæc eadem advocare Ileum. Causæ itaque omnes quæ desumi possunt ex cognita schirri & phlegmones natura, considerari debent tanquam causæ mediatae illius affectûs.

Eundem præstabit effectum succus ille mucosus lubricandæ alvo à natura destinatus, qui per glandulas secundum intestinorum longitudinem dispersas continuò in propriam tubi intestinalis cavitatem eruc-

tatur

tatur, si gypseam (ut fuit ab Authoribus observatum) vel duriores adhuc consistentiam acquirat , præsertim verò in crassioribus intestinis , in quibus hujusmodi succus , utpote spissior , potest facilius multò indurescere : hoc etenim indurato debet præcludi via expressis supernè deorsum contentis , & ratione jam allatâ Ileus introduci. Ideò autem succus ille lymphaticus indurescit , vel quia spiculis acidis sulphuræ illius partes coagulantur , vel quia præ fervore partium circumfusarum , tenuioribus aqueisque dissipatis , duritiem quasi lapideam adipiscitur. Spicula acidia ex digestionem læsa & ad acidum vergente oriuntur , fervent circumfusæ partes vel ob inflammationem vicinam , vel ob fervorem totius sanguinis , ut dictum fuit superius. Ergo quæcumque coctionem lædent , chylumque acidum generabunt , ut sunt alimenta acidia , fermentum stomachale vel salivale acidum , tristitia , vita sedentaria , aliaque ; quæcumque similiter tum totius sanguinis , tum illius solum qui intestinorum substantiam aut partes viciniores peragrat , calorem adaugebunt , poterunt in causarum remotarum catalogo recenseri.

Tandem si complicantur intestina ita ut pars superior subeat intestini partem inferiorem , vel viceversa , oblitteranda quoque fore intestina , & consequenter convolvulum excitandum consequens est. 1°. Pars superior alicujus intestini ab inferiori absorbetur , vel quòd tumor schirrosus interioribus intestinorum parietibus ex uno duntaxat latere adnatus sensim deorsum devolvatur , partemque superiorem sibi annexam in subjectam inferiorem propriat ; vel

quòd pars inferna ità dilatetur & ampliatur , ut conspirantibus situ perpendiculari aut ad perpendiculararem accedente , nec non superjectarum partium pondere & impulsu , superiorem ipsi continuam admittat & in se recipiat. 2°. Partem inferiorem à superiori absorberi verisimile est ab eadem dilata-tione intestini præternaturali , favente diverso situ & priori planè opposito. Quidquid igitur vel tumorem schirrosam in intestinis gignere , vel alicubi intestina prætermodum dilatare poterit , poterit quoque illud omne Ileum remotè inferre : tumores schirrosi à lymphæ crassa & hærente , crassities lymphæ arguit crassitiem sanguinis à quo proficiscitur ; distenduntur nimio perè intestinatorum membrana à flatibus , ut in colica flatulenta , flatus à læsa alimentorum concoctione : ergo ulterius lymphæ crassa , sanguis viscidus , flatus , & coctio læsa tanquam causæ remotæ Iliacæ affectionis spectanda sunt.

Ne quis autem intricatum existimet mechanis-mum , quo mutuus ille perficitur ingressus partis supernæ in infernam & vicissim , juvat nunc obiter antequam alias causas aggrediar , mechanicam hanc quæ tota simplissima est paucis pro modulo mentis exponere.

Quocircà fingamus (fig. 4.) tumorem *e.* ortum in parte 1. intestini *A. B. C. D.* cujuscumque sit figuræ regularis vel irregularis , modò ejus sit magnitudinis , quæ spatio 1. 2. penitùs replendo sufficiat , ita ut contenta in parte superiori *A. B.* pergere iter non possint ad partem *C. D.* ejusdem intestini inferiorem : hoc posito , dico facilè intelligi

cur pars *A. B.* ab inferiori *C. D.* hauriatur ; enim verò cùm spatium 1. 2. per quod devolvenda sunt contenta ut ad inferiora præcipitentur omninò repletum sit , nullusque pateat aditus quo versùs *C. D.* expelli possint ; sequitur fore ut contenta ob resistantiam cui statim occurrent , gradum fistant in *B.* ibidemque aliquandiù detineantur : quoniam verò , ex iis quæ superius dicta sunt , liquet materiam chylaceam propelli continuò à stomacho ad intestina , planum est continuò quoque novam ad locum obstructum *B.* materiæ copiam perventuram , hanc proindè aggerendam assiduè , tandemque tantâ copîâ cumulandam ut tumor *e.* quâ proprio gravitatis nisu , quâ fluidorum superincumbentium pondere , quâ eorundem impulsu à diaphragmate , musculis abdominis , & intestinis supernè deorsum trudendus sit , & spatium inferius occupare necesse habeat ; cùmque tumor annexus sit determinatæ & mobili intestini parti 1. non poterit trudi ad partem *C.* quin superiorem *A. B.* cui adhæret in inferiorem *C. D.* secum abripiat , ita ut , devoluto sensim ac sine sensu tumore , intestina eo fermè modo complicari necesse sit quo in figura 5. representatur.

Hinc colliges plura desiderari machinamenta quæ tumoris volutionem & descensum promoveant , neque mechanicam hanc (ut neotericis placet) ex sola fibrarum intestinalium annularium contractione deducendam ; quippè vis earum minor est quàm ut possit sola tumoris resistantiam superare , fibrasque superiores annexas & renitentes inferiùs compellere : hanc tamen si quis statuatur pro causa juvante & de-

terminante tumorem cum aliis præcipuis causis conjunctam, non habebit me repugnantem.

Abfit ut cum iisdem statuam, ex fibrarum longitudinalium convulsione, tunicas intestina interiùs vestientes ita duplicari posse ut tumores gemini hinc & illinc in intestini cavitate excitati, accedente dein fibrarum annularium contractione, ad inferiora præcipitentur, revolutique circà proprium centrum intestinorum convolutionem pariant. Etenim 1°. Cùm illud adverteretur motûs peristaltici legibus quæ ab illis admittuntur, & quibus constat fibras orbiculares esse longitudinalium antagonistas, nec usquam posse nisi alias post alias suum contractionis motum exercere; futurum necessariò ut convulsis longitudinalibus annulares otientur vel vicè-versâ, adeoque vel longitudinalibus relaxatis tumores desinant & discutiantur, vel non contractis orbicularibus tumores à convulsione longitudinalium excitati revolvi nullomodo possint. Prætereà cùm spàsmo correptis longitudinalibus, orbicularium nervi distrahi debeant, nec distrahi possint nervi fibris orbicularibus prospicientes, quin difficulter omninò spirituosum fluidum accipiant ac proindè hac ratione ineundæ contractioni impares sint, sequitur superiorem alicujus intestini partem ab hujusmodi convulsione in aliam intrudi nequaquam posse, & serie necessariâ hanc non esse causam complicationis intestinorum. Interim non diffiteor à tali convulsione posse Ileum induci, sed illud simpliciter ex præclusa contentis via à præternaturali intestinorum constrictione, neutiquam verò ex eorum convolu-

tione repetendum existimo.

Hinc pariter refellendi sunt (neque enim majori fundamento innituntur) qui contendunt ob eandem convulsionem posse inferiorem alicujus intestini partem à superiori absorberi , supponendo fibram orbicularem quæ posita est infrà centrum tumorum retrahi , sicque continuatâ serie contractionum à parte inferiori ad superiorem tumores secundum eandem directionem motûs volutandos esse : præterquam enim quòd , ut jam diximus , vinci nequit convulsio longitudinalium , & impossibilis est annularium contractio , accedit insuper quòd non dùm inverso intestinorum motu fibræ superiores debuerint priùs contrahi inferioribus , & consequenter partem superiorem annexam potiùs ad inferiora proripiendam , quàm inferiorem ad superiora.

Porro citra tumorem eodem modo intestina convolvi posse cuilibet vel paululùm attendenti manifestum fiet si supponamus 1°. Colligi alicubi materias quasdam flatulentas putà in parte *d. e. f. g.* intestini *A. B. C. D. E. F.* fig. 6. ita ut hoc in loco intestinum eam patiatur distentionem cujus ratione acquirat diametrum *t. u.* quadruplò majorem naturali *x. y.* 2°. Hunc esse intestini situm ut pars superior *A. B.* alicui ex jam suppositis prælis subjecta singulis illorum ictibus pateat. Cùm enim his ita suppositis pars *A. B.* quæ multò strictior est & angustior continuò à causa motrice superiùs agente (diaphragma vel musculos abdominis intellige) inferiùs propellatur , protrudenda erit favente situ versùs cavitatem partis inferioris *C. D.* magis aper-

tam eòque faciliùs quòd pars intestini superna *A. B.* gracilior evadat à suscepto motu peristaltico, cui incundo impar omninò est pars inferior *C. D.* ob nimiam membranarum distentionem ac tandem successivis vel septi transversi vel alterius causæ impulsibus inferior pars *C. D.* superiorem *A. B.* admittet.

Partem verò *C. D.* ejusdem intestini (vid. fig. 7.) quæ inferior est habito respectu ad partem *A. B.* subjectam inferiorem *E. F.* absorbere posse facile concipiet quisquis supponet partem *C. D.* quadruplò magis dilatata multò majorem in se recipere atque continere materiarum copiam: non possunt enim hujusmodi materiæ majori quantitate ibidem cumulari, totumque spatium *r. s. t. u. p. q.* reple-re, quin multum gravitent in partes laterales inferiores *p. q.* quæ nullo corpore fulciuntur, easque vi impulsione susceptæ ad inferiora propellant; quin pariter pars intestini *m. f.* inclinet ad partem *f. 1.* pars verò *n. g.* ad partem *g. 2.* ita ut puncta *m. n.* ad 1. 2. perveniant. Sed ita incurvari nequeunt partes *m. f. n. g.* quin adducantur simul puncta *b. k. l. o.* trahaturque punctum *b.* in *m.* punctum *k.* in *n.* *l.* in *b.* & *o.* in *k.* serieque necessariâ puncta *d. e.* deorsum devolvantur in *a. b.* ac tandem extrema superiora intestini 7. 8. in 9. 10. ergo pars hæc intestini delatata *C. D.* naturalem mutabit situm & saccum utrimque pendulum *H. H.* constituet. Cæterum. Quoniam contenta, cujuscumque indolis sint, vi suâ deprimendo partes *p. q.* & saccos *H. H.* effor-mando, partes *f. g.* lateraliter comprimunt, debent istæ ad sese mutuò accedere, ac proindè in-

testini cavitatem imminuere in *E.* quomodo in fig. 8. representatur.

Porrò cùm fluida in duplici sacco *H. H.* inclusa , pondere & impulsu novas continuo exerant vires in partes inferiores *b. k.* planum est , si istæ depri- mantur , atque ita partibus intestini inferioribus ap- plicentur ut punctum *b.* cadat in 3. & punctum *k.* in 4. fore ut eâdem prorsus mechanicâ partes intesti- ni dilatati *C. D. D.* ulterius demittantur : planum est quoque trudenda inferius singula puncta secundum intestini longitudinem ducta , adeoque puncta *l. o.* in *b. k. a. b.* in *c. d.* & extrema laterum 9. 10. in 11. 12. rursus esse adducenda ; ac demùm liquet latera intestini obvoluti *r. f. r. g.* introrsum ex utraque parte compellenda , ita ut hinc indè gemini sacci *I. I.* emergant prioris figuræ faccis *H. H.* amplio- res , quemadmodum patet in fig. 9.

Quoniam insuper tum contentæ tum & aliæ , quæ de novo semper depluunt , materiæ in faccis *I. I.* (fig. 9.) coacervatæ ponderant in *l. o.* partemque obvolventem magis ac magis ad inferiora protru- dunt , futurum ut sacci gemini *I. I.* eam altitudi- nem adipiscantur ut puncta *l. o.* respondeant punc- tis 5. 6. & sacci *e. e.* faccis *I. I.* grandiores efformentur : futurum quoque ut puncta *c. d.* ad 7. 8. & extrema 11. 12. hinc indè ad 13. 14. transferantur. Similiter comprimenda intestini ob- voluti latera *r. f. r. g.* ipsiusque diametros immi- nuenda , ac per consequens partem *E. F.* intestini inferiorem à superiori *C. D. D.* absorberi oportet totâ longitudine laterum 1. 3. 5. & 2. 4. 6. tan-

tamque ex hoc subingressu lateribus intestini *E. F.* inferri compressionem , ut deleatur prorsus illius cavitas , ac proindè excrementorum via penitus intercipiatur , ut exhibet fig. 10.

Denique cùm intestina sint canales circulares , multisque gyris & anfractibus secundùm totam sui longitudinem mirè contorqueantur , si principium eorum & finem excipias , sequitur si diversæ eorundem partes seorsim considerentur , impulsus diaphragmatis vel musculorum abdominis nunc superioris , nunc inferioris intestinorum partis descensui favere ; ac proindè pro diversitate sitûs modò superiorem , ut dictum fuit , ab inferiori , modò inferiorem à superiori hauriendam. Quod in fig. 11. planum fiet , in qua intestinum Ileum variè contortum exhibetur cujus principium supponitur in *A.* & finis in *G.* hoc posito , si ampliatur pars *E.* inferior parte *B.* certè quoniam tunc temporis superincumbit pòdus partis superioris *B.* quæ aliundè à contracto diaphragmate supernè deorsum impellitur , nemini mirum videbitur si pars superna & angustior *B.* in subjectam latiore *E.* introducatur : sin verò pars *F.* inferior quidem parte *C.* habitâ ratione sitûs , superior tamen illâ ratione continuitatis intestinorum laxior evadat plurimùmque dilatetur , fieri non poterit quin , rationibus jam allatis , pars *C.* remotior à ventriculo proindèque inferior , in proximior *F.* & superiorem rapiatur , adeòque pro diversa intestinorum positura superiorem in inferiorem , vel vice-versâ intrudendam fore evidens est.

Secundò.

Secundò. Intestina duplici modo comprimi possunt, vel 1°. quia naturalem mutant situm & quæ antea in amplo abdominis cavo liberè fluitabant, nunc in angusto loco reposita, strangulantur, ut contingit in herniis umbilici, inguinum, scroti, & femorum; vel quia eorum parietes ab aliquo tumore in partibus vicinis genito deprimuntur exterius, & ad intimiorem contactum perducuntur. Herniæ ergo omnes, item tumores partium intestinis vicinarum, Ileum remotè accersitura sunt. Prolapsum intestini in scrotum & in alias partes causant tussis violenta, vociferationes, casus, conatus vehementissimi, ponderum immensorum gestatio & similia: ergo hæc omnia causæ remotæ Ileii futuræ sunt. Partes intestinis vicinæ tumore affici possunt vel frigido & schirroso, vel calido & phlegmonode, ergo quæcumque apta erunt tumores frigidos vel inflammatorios hujusmodi producere, poterunt quoque Ileum mediatè promovere; sed hæc sunt nimia lymphæ crassities & sanguis præternaturam viscidus, vel fermentescens & effusus in parte, ergo ulterius hæc non modo tumores in interna intestinorum substantia pariendo & eadem obstruendo, verùm etiam comprimendo exterius, deletura intestinale ductum proindèque Ileum illatura sunt.

Tertiò demùm. Cùm intestina naturaliter constringi nequeant, nisi ope fibrarum ex quibus membrana eorum musculosa contexitur; quoniam insuper cum omnibus Anatomicis duplicem fibrarum ordinem admittimus, quarum contractione breviari atque arctari ductum intestinorum necesse sit; se-

quitur constrictionem præternaturalem, quâ inhibetur contentorum excretio, imperviusque redditur canalis materiis supernè deorsum expellendis, refundendam esse in constantem & præternaturalem contractionem villorum tam longitudinalium quam annularium, seu quod idem est, ad eorum convulsionem: sin autem hæc nequeat vinci à motu machinarum impellentium, neque à pondere aut motu fluidorum contentorum, ut patet ex cognita convulsionis natura quâ constat brachium v. g. convulsum flexumque aliquandò frangi potius, quàm musculorum flexorum resistantiam superari; perspicuum est insuperabilem futurum esse obicem contentorum descensui. Convulsio ergo fibrarum intestinalium passionem Iliacam inductura erit, constringendo præternaturaliter intestina eaque oblitterando: convelluntur hæ fibræ à majori spirituum animalium influxu, hi uberius solito influunt ob prævium copiosorem ab intestinis refluxum, refluxus ille à vehementi irritatione tunicæ nervæ, irritatio demùm vehemens à materia quadam acris & mordaci in nervos intestinales validè impingente, præsertim verò intestinis interiùs orbatis muco illo quo naturaliter obliniuntur & lævigantur, materia acris & mordax vel à læsa digestionem, vel ab ulcere interno, vel ab assumptorum vitio sobolescit; læsa ergo chylosis aut hæmatosis quæ ad acre terminantur, cibi acres, venena interiùs assumpta, ulcus pariter in intestinis enatum à prævia inflammatione, ut in dyssenteria sæpè contingit, stimulando ad convulsionem fibras carneas intestinales, ductum

penitus constringere , concludorum commeatum præpedire , ac proinde Iliacum affectum mediatè inferre poterunt.

Jam verò expositis causis Ileï tum proximis cum remotis , ordo postulat ut detegamus modum quo contenta in intestinis sine motu antiperistaltico remeant ad stomachum , ut inde per os stercoris qualitatibus infecta foras ejiciantur. Hunc autem paucis eruere non erit arduum , (neque enim nodus in scirpo est) si duo duntaxat supponamus quæ à nemine negari possunt , 1°. Obicem in aliqua intestinorum parte insuperabilem , 2°. Pleniorum intestinale tubum. His ita constitutis , cum contenta liquida tum motu peristaltico & naturali intestinorum , tum contractionibus musculorum abdominis superincumbentium , tum denique diaphragmatis impulsu motum suscipiant ac proinde mutare locum cogantur ; cumque , ut dictum fuit in præcedenti articulo , hæc sit fluidorum proprietas essentialis ut sese facile diffundant , fluantque in motum acta ad locum in quo minorem inveniunt resistantiam , minoremque reperiant versùs pilorum quàm versùs obicem qui insuperabilis est ex supposito : sequitur fore ut hæc eadem contenta , non obstantibus , proprio pondere , fluidorum retrò appellentium gravitate & impetu , atque successivis diaphragmatis impulsibus pilori ostium subeant , & ad ventriculi fundum revolvantur. Rursùs quoniam hujusmodi materiæ ab intestinis refluentes , priùs varios alterationis gradus passæ sunt in stomachali & intestinali cavo , earumque falia valdè extricata & à reliqua-

rum partium confortio libera sunt, ac per consequens irritandæ membranæ nerveæ maximè idonea; futurum ut dùm pervenerint ad stomachum, tunicam ejusdem nerveam & præsertim orificium superius fortiter laceffant, proindèque vomitum cieant quo mox regressa ad ventriculum, indè per superiora expellantur. Intestinorum obici nemo refragatur: plenitudinem consueta symptomatum series, tempus quo contingit vomitus, Auctorum testimonia & observationes, nec non experimenta mox recensenda manifestè demonstrant.

Et quidem 1°. Cùm statim ab angustia facta in intestinis non fiat vomitus, sed alia benè multa præcedere soleant symptomata, ut dolores infimi ventris, intestinorum strepitus, borborygmi, tensio abdominis, ructus, nausea, aliaque à fluidis redundantibus oriunda, patet intestina priùs esse replenda ab obice ad ventriculum quàm contenta ab intestinis ad pilorum iter reflectant; immò quoniam materiæ primis vomendi conatibus rejectæ pituitosæ vel biliosæ sunt, neque ullo foetore inquinantur: sequitur ea quæ in stomacho, duodeno, aliisque proximioribus intestinis includuntur, utpote quæ nondùm ultimum hunc alterationis gradum ratione cujus foetent adepta sunt, priùs esse rejicienda, ac tandem adauctis contractionibus potentiarum motricium, vacuanda alia intestina & in stomachum exoneranda: quæ omnia plenitudinem intestinorum supponunt.

2°. Cùm vomitus ut plurimùm non nisi duobus, tribus, aut quatuor diebus à facto impedimento, herniâ v. g. superveniat, eoque tempore ægri juscu-

la , medicamina , aliave ingerant ; quoniam similiter saliva , fermentum ventriculi , bilis , succus pancreaticus , mucus intestinalis , continuo à sanguine secreta suppeditantur , motuque suscepto à palato ad stomachum , à stomacho ad duodenum , tandemque ad obicem perducuntur : sequitur intestinorum ductum à parte obstructa ad stomachum usque fluidis plus æquo saturandum. Præterea constanter expertus sum animalia quibus ligato intestino passionem iliacam inferebam , pro varia ipsorum magnitudine , assumptorum quantitate , & pro diversitate partis affectæ , nunc citiùs , nunc tardiùs evomere ita ut felium catuli , felibus ; feles , canibus ; inter canes , minores ; inter animalia ejusdem magnitudinis , bruta quorum intestina minùs procul à ventriculo ligaveram , aliis ocyùs vomitu corriperentur. Sed in his citiùs quàm in illis intestinalem ductum repleti evidens est , ergo liquidò patet totum illud ab intestinorum plenitudine citiori vel tardiori repetendum.

3°. Auctores celeberrimi , (ut liquet ex eorum monumentis) sententiam meam confirmare videntur. Et ne cui tædio foret plures libros evolvere , ipfissima nonnullorum verba quæ ad propositum spectant hùc referenda duxi. Multi dùm afferunt in medium signa quibus indicatur sedes angustiae , in ea sunt sententia ut credant tenuia esse affecta , si in principio morbi vomitus accidat : secùs , crassorum affectionem designari. *Si agri statim & initio vomant,* inquit Jacobus Fontanus, *a tenuia intestina afficiuntur, si verò post aut tertio aut quarto die vomitiones super-*

a Medicin. Pract. lib. 3 cap. 28.

veniant , affectionis magnitudo declaratur , & affectus crassorum intestinorum. Iisdem fermè verbis utitur Sen- nertus a dùm ait : Si tenuia intestina affecta sint , sto- machi distentio adest & spiritus angustia , ac nausea , atque vomitus assidui & vehementes ita ut nec potus contineri queat , paulò post & stercoris vomitus sequitur , dolor & tormina magis ad superiora vergunt. Si in cras- sis causa consistat , vomitus non ita continuò durat , do- lor ad hypochondria magis pervenit & lumborum adest gravitas , vomitus stercoris tardus supervenit. Undè pronum est concludere , prout intestina citiùs aut tar- diùs replentur, vomitum vel seriùs vel tardiùs excitari.

Aliqui intestinorum canalis repletionem exindè statuere mihi visi sunt , quòd retinenda esse con- tenta propter viæ angustiam ac proindè congeren- da autument. Sunt b autem Ilei , id est , volvuli cibi superfluitatum quæ per alvum inferiorem excernuntur retentiores. Deorsùm c verò expultrix (facultas) movere non valet , quia pars dolens , pondus excrementorum præ- terlabentium non sustinet. Cujus quidem d (Ilei) vitio cibus & faeces non permeant sed primum in alvo subsis- tunt. Subsistunt e siquidem (excrementa) in intestinis per plures dies. Horum omnium sententiæ adstipulan- tur , Petrus Sal. divers. f , Mercurial. g , Zacut. Lusitan. h , Deleboe i , aliique quorum singulorum effatis

a Lib 3. part. 2. sect. 2. cap. 1. De sign. diagn. Ilei. b Galen. in Aph. Hypp. 22. lib. 3. c Duncanus, Patholog. lib. 2. cap. 11. d Lud. Durerus , in Coac. Hypp. cap. 21. e Ranchinus, de morb. subitan. cap. 26. f Comment. in lib. 3. Hypp. de morbis. g De affect. infim. ventr. lib. 3. cap. 27. h Prax. Hystor. lib. ult. cap. 2. n. 2. i Prax. Medic. lib. 1. cap. 15.

recensendis brevitatis causâ supersedeo. Ad hæc, omnes fermè ventris intumescèntiam signum proprium & peculiare passioni iliacæ assignant, quod sanè plenitudinem intestinorum præsupponit : ac tandem opinionem hanc duæ sequentes observatïones mirum in modum comprobant. *A cydoniato*, inquit Platerus ^a, *meatum illum juxta cæcum dictum intestinum obstruente, acerbissimos iliacos cruciatus, cum omnimoda alvi suppressione, vomitioneque excrementorum & syncope, puellam passam fuisse, atque in illa ex hoc casu mortua sectaque, cydoniatum adhuc deprehensum fuisse, docet Fernel. tantamque congeriem excrementorum ob occlusum exitum in intestinis tenuibus fuisse congestam, ab illisque distentionem factam, ut illis ruptis feces in abdomen decidisse observarit.* Haud absimilis est observatio Riverii ^b quondam in hac Academia Professoris Regii post hominum memoriam clarissimi: *Die 29. mensis Januarii 1644. D. Guillelmus Patris in Curia Præsidiali Monspeliensi Consiliarius, laborare cæpit colico dolore. die decimâ tertiâ morbi (Ilei) è medio sublatus est. Aperto cadavere, inventum est intestinum Ileon tribus complicationibus convolutum intestina reliqua amplissima apparebant ut brachii magnitudinem aquarent. Præterea intestinum gangrenâ affectum, perforatum erat supra complicationem; existimo à pondere materia contenta in superioribus intestinis fuisse disruptum, &c.*

Denique ut omnis hac de re tolleretur scrupulus, gnarus aliundè intestina in inguen, scrotum,

^a De ventr. dolor, cap. 13. ^b Observat. Centur. 3. obs. 26.

aliasque partes delapsa, tumida multum & inflammata semper reperta fuisse, decrevi iliacorum animalium intestina ipso vomitus tempore explorare. Quoties itaque ligatis alicubi intestinis, felem vel canem ad experiendam plenitudinem Ileo afficiendum curavi, aperto dein vulnere paulò ante vomitum, toties intestina ab impedimento ad ventriculum flatibus aut materiis fluidis repleta deprehendi: post vomitum verò depleta quidem in locis stomacho vicinioribus, sed semper quoad magnam partem, præprimis versùs obicem turgida: quin imò pluries iterato vomitu tandem animali extincto, sectoque secundum lineæ albæ longitudinem abdomine, eadem intestina quâ parte obicem spectabant ad quinque, sex, septemve pedes plus minus prætermodum distenta observavi.

Ex his omnibus colligere est, in passione iliaca obicem semper existere à quacumque ex recensitis causis productum, quidquid obtrudant nobis recentiores quidam qui in hoc affectu quandoque liberum esse ductum intestinale sentiunt. Proponamus & expendamus modum quo rem ita fieri posse intelligunt: supponunt illi levem inflammationem vel dispositionem ulcerosam interioris intestinorum membranæ, glandulosæ scilicet, cujus ratione obtusus alioquin illius sensus mirè acuitur, fitque adeò exquisitus ut vel à causa levi acriter percellatur; hoc posito, statuunt minimo impresso motu ab exigua materiæ descendens portione motum intestinorum naturalem esse invertendum, repellendaque proindè infernè sursum contenta fluida.

Etenim

Etenim , inquiunt , hæc nequeunt parti inflamma-
 tæ & exquisitissimè sentienti offerri , quin statim
 fibræ tum longitudinales cum orbiculares validiùs
 constringantur pro ratione validioris irritationis jam
 factæ , nec ita vehementiùs constringi , quin vel
 etiam primo fluidorum appulsu interna intestini ca-
 vitas obturetur , ergo hæc eadem sursum refluent &
 ad stomachum unde prodierant revertentur. Verùm
 ex hac levi phlogosi vel dispositione ulcerosa mo-
 tum antiperistalticum deduci posse non video , hoc
 unum exinde inferre licet , nimirum fibras intesti-
 nales parti leviter inflammatae superincumbentes ad
 vehementiorem solito contractionis motum stimulari,
 contentaque fortiùs citiùsque ad inferiora protru-
 dere : quod figurâ 12. illustrabitur , supponendo
 materiam chylaceam motu ordinario ab *A.* in *M.*
 trusam ad partem inflammata *C. D.* pertingere ;
 etenim vel hæc oblata materies subibit cavitatem
 intestini partis *C. D.* & respondebit fibris 7. 8. 9.
 10. 11. 12. vel hærebit in vicinio & tanget par-
 tem sanam ejusdem intestini superiorem quæ respon-
 det fibris annularibus 1. 2. 3. 4. 5. 6. si 1^{um}. con-
 tractis fibris superincumbentibus 7. 8. 9. 10. 11. 12.
 coarctabitur pars hæc intestini *C. D.* contentaque
 aliquorsum expellentur : non versùs *B.* quæ pars non-
 dùm remisit à contractione priori quâ propulsa
 fuerunt contenta ad locum inflammatum *C. D.* ergo
 in partem *E.* subsequenter , deindè in *F.* mox
 in *M.* quemadmodum fit naturaliter impellenda
 erunt , tantòque vehementiùs , quantò uberior fuit
 ob majorem partis inflammatae irritationem spirituum

in laudatas fibras affluxus; ac proindè vehementiorem fore ac promptiorem motum intestinorum peristalticum, non autem ipsius directionem immutatum iri consequens est. Si 2^{um} hoc est, si contenta partem inflammata non ingrediantur, sed in ostio tantum remaneant; quoniam nervorum communione fiet ut irritatis fibrillis interioribus nervis quæ respondent fibris carneis 1. 2. 3. 4. 5. 6. hæc necessario in contractionis motum adigantur, expellantque proindè contenta fluida intestinale alveum coarctando, cum insuper contenta non possint sursum remeare ad B. ob perseverantem adhuc partis illius superioris angustiam, ut patet ex statuta ab ipsis motus vermicularis mechanica, & è contra cursum suum continuare facile queant per partem ductus inferiorem quæ utpote leviter inflammata, aperta supponitur, sequitur manifestè hæc eadem fluida infernè potius quàm sursum esse protrudenda.

Si quis huic ratiocinio non cedat, victrici cedat experientiæ: constat in lyentericis intestina deterfo mucos dispositione inflammatoriâ seu phlogosi, & in dyssentericis inflammatione, ulcere, aut utrisque simul, si non semper, saltem ut plurimum tentari, atque adeò liquet liberum manentem intestinale ductum non posse occludi, & contentorum versùs stomachum repulsui ansam præbere, quin potius eadem contenta validius celeriusque per inferiora deturbanda, ut probat alvi fluxus; attamen ingenuè fateor aliquandò à prædictis causis ita constringi posse atque obliterari intestinale

tubum , ut præpeditâ prorsûs contentis viâ , affectio Iliaca inducatur : quemadmodum ex inferiùs dicendis planum fiet.

Neque putet quispiam cum Sennerto , ex eò quòd interdum clysteres & suppositoria in Ileo vomitu rejiciantur , apertam esse quandoque intestinorum viam : libera quidem est in his casibus à ventriculo ad podicem , sed in hoc adest impedimentum , nimirum inflammatio quæ fæcum exclusioni per inferiora ineluctabiliter resistit. Non refert autem an in extremitate recti , an superiùs fiat intestinorum angustia ; semper enim ex æquo præpeditâ fæcum expulsionem naturali , positâque ductus intestinalis plenitudine , modo jam dicto passio Iliaca inducenda est.

Investigandum superest quâ fieri possit ut intrusa enemata vel suppositoria fursùm ferantur in Ileo , ac tandem per os vomitu rejiciantur , ut asserunt Mathæus de Gradibus , Guainerius , & Jacobus Optheus , ita referente Sennerto. Phænomenon illud Auctorum omnium ingenium non parùm torquet , & licet à vero alienum esse appareat , quin & suspectum fautoribus motûs antiperistaltici , nostram tamen requirit indaginem , utpote quod rem leviter examinantibus , & favere motui antiperistaltico , & nostræ sententiæ prorsûs adversari videtur : neque in hoc opere multùm desudabimus , quippè ex jam statutis per se satis explicatur. Et primò quidem quoad clysteres ex supposito ani obice & intestinorum repletionem , rem totam facile erit deducere : cum etenim enemata à vi exteriùs agente & obi-

cem superante introrsum maxima cum vehementia propellantur, nec possint semel propulsa rursus per podicem excerni, debebunt necessario jam distentitas intestinorum membranas magis ac magis distendere & ampliare; quoniam verò ex hac majori distensione, tunica nervea rursus & de novo quandam distractionem patitur, refluuntque spiritus è tubulis nerveis ad cerebrum, fiet propter nervorum viciniam in emporio ut spiritus dein in nervos movendis intestinis dicatos determinantur, quibus necessitate mechanicâ contractis (accedente præsertim diaphragmatis & musculorum epigastri-
*breuare
 infus
 gatura
 long
 nterestab
 ay habea
 v.*corum contractione) contenta mixta cum partibus enematum superius ad pilorum & ventriculum evehi necesse est, tantòque facilius quò semel hanc motus determinationem susceperunt à causa externa. Nec quis dicat valvulam intestini coli, quæ fæcum à crassis intestinis ad Ileum regressui obstat naturaliter, hoc in morbo idem præstare posse; attendat, quæso, ad intestinorum repletionem quâ suppositâ, haud difficulter concipitur quo pacto valvula hæc, quæ prius occludebat cavitatem ductus, aperta maneat à fluidis redundantibus, & ita intestinorum parietibus adhæreat, ut liberum materierum itum & reditum permittat. Hanc objectionem dirimant alii quibus talis plenitudo non arridet.

2°. Multò major occurrit difficultas in explicando suppositoriorum ascensu; cum enim illa liberum obtineant exitum, potius expellenda videntur per podicem quàm protrudenda superius, vel superius

protrusa , hæsitura prope obicem nec unquam posse ponderis , molis , & soliditatis ratione jam suppositis prælis exterius comprimentibus obsequi , & infernè fursùm impelli : interim tamen totum illud negotium non ita arduum est & explicatu difficile ac primâ fronte videtur. Enim verò rem accuratè perpendenti , glandium ascensum sine ullo motu antiperistaltico intestinorum absolvi , fidem faciunt ea quæ geruntur in alvi constipatione dùm excrementa diversis temporibus excluduntur ; nam si primò longâ siccorum excrementorum quasi metulâ semel magnam partem exclusâ per podicem , dein sphincter ani musculique levatores suam contractionem ineant , observamus susceptum excretionis motum multùm adjuvari , illamque ex toto faciliùs multò citiùsque foras expelli : sin è contra majori ipsiùs portione intùs manentè , seu quo tempore induratae fæces ano offeruntur , sphincterem constringi simul & levari vel , quod idem est , introrsùm pelli contigerit , experimur induratas fæces violenter repelli ; illud autem non repetendum venit à motu antiperistaltico sed potius à modo quo sphincter ani contractus excrementis ejiciendis applicatur , si parti excrementorum superiori , hæc expellenda erunt , sin verò inferiori , impellenda fursùm & ad superiores partes à quibus prodierant maximo cum impetu revocanda , haud absimili fermè modo quo quis corpus lubricum in vola manûs inclusum secundùm varia extrema nunc in unam partem , nunc in aliam priori adversam truderet pro varia digitorum comprimentium applicatione : verùm ut hu-

juxta rei theoria certius innotescat, cum glandium figura ad ovalem accedat, cumque mathematici vires lineis aut superficiebus curvis applicatas per relationem ad curvarum tangentes inquirent, sit planum $A. B. C. D.$ (fig. 13.) ex duobus triangulis $A. B. D.$ & $C. B. D.$ secundum bases unitis compositum: insuper hoc planum vel ad partem mediam $B. D.$ vel ad $y. x.$ vel ad $z. v.$ æqualiter comprimatur, si ad $B. D.$ vis agens per lineas $b. B.$ & $f. D.$ æqualis est & diametraliter opposita, ergo planum $A. B. C. D.$ immotum manere debet.

Si vis comprimens applicetur lateri $A. B.$ ad punctum $y.$ secundum lineam $r. y.$ aget cum duplici determinatione, alterâ perpendiculari ab $r.$ in $p.$ alterâ parallelâ lateri $A. B.$ ab $r.$ in $f.$ sed planum illud non poterit impelli secundum determinationem $r. f.$ parallelam, quæ proindè nullam vim inferet lateri $A. B.$ ergo tota vis comprimens, in hoc latus aget juxta determinationem perpendiculararem $r. p.$ & consequenter planum huic pressioni cedens movendum erit per lineam $p. e.$ simili prorsus ratione vis in latus oppositum $A. D.$ aget secundum lineam $k. x.$ cum duplici determinatione, parallelâ $k. o.$ & perpendiculari $k. m.$ cumque non possit agere determinatione parallelâ $k. o.$ solâ $k. m.$ hoc latus secundum eandem determinationem ex $m.$ in $c.$ propellet. Dumque hæc duo latera $A. B.$ & $A. D.$ simul utrimque viribus æqualibus prementur in $y. x.$ juxta lineas $r. y.$ & $k. x.$ futurum ut planum illud nec per lineam $p. e.$ nec per oppositam $m. c.$ ullo modo moveri possit, obstantibus hinc & illinc ad $y. x.$ æqualibus virium comprimementium co-

natibus, proindèque deorsum perpendiculariter tendat
necesse est, mediamque lineam $A. l. C. d.$ percurrat.

Quod si eadem vires ad latera $C. B.$ & $C. D.$ punctis $\zeta. u.$ cum iisdem determinationibus applicentur, hinc per lineam $t. \zeta.$ illinc per lineam $q. u.$ quandoquidem non agent secundum determinationes parallelas $t. i.$ aut $q. n.$ planum $A. B. C. D.$ nec lineam $q. a.$ nec $t. g.$ describet, (ut ex superiori demonstratione evidens est) sed per lineam inter illas mediam $C. l. A. h.$ movebitur & sursum feretur.

Tandem ut hæc transferantur ad suppositorium, intelligatur iisdem lateribus plani $A. B. C. D.$ circa majorem axem $A. l. C.$ revoluti describi solidum. Omnia puncta $y. x. B. D. \zeta. u.$ & horum similia quæ in his lateribus concipi possunt, representabunt in superficie hujusce solidi loca quibus vires supra dictæ, quas supponimus easdem esse ac sphincteris, applicantur; ac proindè prout istæ vires variis in locis nunc in $B. D.$ nunc in $y. x.$ nunc in $\zeta. u.$ applicabuntur, hoc solidum vel immotum sistet, vel deorsum aut sursum movebunt, ut jam dictum planum moveri superius demonstratum est. Cum autem notum sit apud Geometras curvas superficies ex infinitis planis evanescentibus coalescere; sequitur, quod de superficie recta & conica hujusce solidi diximus, idem de curva seu sphæroidali suppositorii superficie intelligendum.

Jam verò ut juxta ratiocinium illud geometricum explicetur glandium ascensus, duo necessario supponenda sunt: 1°. sphincterem ani $E. E.$ (vide fig. 14.) ob inflammationem quam patitur ita oc-

clusum obstructumque; ut nihil possit foras excerni. 2°. Suppositorium oblongum quale est *A. B. C.* vi aliquâ exterius adhibitâ sphincteris resistantiam vicisse, & quoad maiorem sui partem in podicem introductum esse. His ita positis, dico istud protinûs ad superiores recti partes, mox per ambages intestinorum ad ventriculum, indèque mechanicâ vomitûs omnibus cognitâ per œsophagum, tandemque per os foras amandandum. Siquidem ab intruso supposito sphincterem jam inflammatum solito vehementiùs irritari necesse est, ac consequenter validiùs contrahi, ergo suppositorium fortiter stringendum & modo supra exposito (conferentibus alioquin musculis ani levatoribus *t. t.* qui contractione suâ, quod sphincter ani podicem claudendo, idem sphincterem sursum retrahendo præstant) tantâ vi adigendum, ut spatium *A. G. H.* percurrat. Indè assiduis validisque musculorum epigastricorum contractionibus (favente plurimùm susceptâ motûs determinatione versùs superiora) fluida quibus immersum est, quæque intestinales tunicas multum distendunt & ab invicem dissociant, faciliè transcurrer; totamque intestinorum longitudinem metietur, donec ad ventriculum pervenerit, unde excitato vomitu brevi per os ejicietur.

Nemo regerat suppositorium ita propulsum versùs superiora, in cæco horizontaliter disposito & impervio detinendum, nec posse iter suum deflectere ad Ileum, vel quamvis deflecteret, Ileï valvulam ipsi ingressuro aditum denegare. Priori objectioni occurratur, supponendo cæcum vel fæcibus induratis infarctum

infarctum, vel constrictum penitus, vel genito intus tumore quodam obstructum; tunc enim cum propter impedimentum suppositorium non possit moveri & ultra pergere ad cæcum secundum intestini coli directionem, ad Ilei ostium diverter elevato acumine, & obliquè in ejus cavitatem intrudetur. Alteri difficultati nullo labore satisfiet admissâ, ut antea dictum fuit, ductûs intestinalis plenitudine, quâ semilunares Ilei valvulæ diductæ retinentur. Neque iis assentiri possum qui contendunt contractionem coli antivermicularem valvularum Ilei resistantiam superare; easque præpostero modo absque disruptione internè sursum aperire. Nam præterquam quòd debilior foret hujusmodi contractio, rem præterea impossibilem esse probant injectiones intra venas à corde ad extremitates factæ, quibus constat injectos liquores non nisi disruptis valvulis sibi viam facere in venarum cavitatem.

CAPUT TERTIUM.

De Symptomatis Ilei.

Primò in passione Iliaca adest alvi adstrictio vel totalis, vel partialis. Utramque autem ex vario ductûs intestinalis impedimento facile deducemus. Etenim vel obstruitur omnimodè intestinum cavitas, ut in perfecto Ileo; vel eadem nota-

biliter tantum angustatur, ut in imperfecto. Si 1^{um}. quoniam nulla patet via fecibus inferius propellendis, nullaque ne tenuior quidem fluidiorque contentorum portio potest obicem transmeare, & ad anum usque protrudi; patet tunc temporis alvum necessario supprimendam, ita tamen ut quæ feces infra repagulum constitutæ erant vel spontaneo naturæ motu, vel enematum beneficio ejici possint, quibus eductis alvus supprimitur. Si 2^{um} id est, si ea non sit intestinorum angustia quæ materierum descensui planè obstat, quæque fluidioribus partibus subtilioribusque supra obicem positis transitum permittat, tunc non suppressa, sed tarda erit alvus atque constricta: nam cum particulæ hujusmodi tenuiores minimâ quantitate per obstructum canalem transmittantur, antequam totam intestinorum longitudinem emensæ fuerint & ab obstaculo ad podicem perductæ, quoniam segniter tantum propelluntur ab exigua materiæ subsequenteris copia, minimo motu segniorique præcipitandas fore consequens est. Præterea hæc minima fecum portio impedimentum transgressa, intestinorum ambages percurrento patietur necessario maximam particularum suarum fluidiorum jacturam: ergo ulterius, dimissis tenuioribus, supererunt crassiores duntaxat ejus particulæ, quæ cum difficilè excludantur, ad alvi adstrictionem concurrent. In illa verò Ileï specie quæ pendet ab inflammatione extremitatis recti, tantum adest etiam invadente morbo impedimentum, ut nihil omnino per anum excerni possit; unde non solum in progressu, quemadmodum in

reliquis Ilei speciebus observatur, verum etiam in principio morbi alvi constipatio Ileo adjungetur.

2°. Intestina nequeunt obstrui fæcumque excludendarum prolapsum inhibere, quin materia chylacea fluidaque è ventriculo aliisque partibus superioribus, tum peristaltico motu & naturali, tum successivis diaphragmatis & musculorum abdominis contractionibus continuo ad obstructionem accedat, neque ita continuo accedere, quin ibidem uberius solito cumuletur, nec tandem ita cumulari, quin maximam vim inferat parietibus intestinorum, eorumque tunicas ultra modum distendat; ergo, factâ obstructione accumulatisque contentis versus obicem, intestinorum membranæ maximam patientur distentionem; sed istæ ita nequeunt distendi, quin nervi quibus instructæ sunt distrahantur nimiooperè, nec ita distrahi, quin facto vehementi refluxu spirituum, fibræ emporii validius concutiantur, in quo proxima & immediata consistit doloris causa: ergo iterum concludendum intestina semel obstructa dolore esse afficienda.

Porro quâ proportionem distenduntur intestinorum tuniçæ, eadem comprimenda sunt vasa sanguifera, præsertim verò ea quæ sanguinem ad vias circulationis reducunt, venosa intellige, quæ ob laxiorem quâ donantur texturam, causis exterius comprimentibus facilius cedunt quàm arteriæ utpote firmiores; sanguis ergo intestinorum substantiam hæc in parte perlustrans, per angustatas venas mesaraïcas eo loco difficilius circulabitur: cùmque à continuo cordis motu propellatur, tanta demum

cum vehementia irruet , ut vasa disrumpat & in partium substantiam effundatur. Hinc oriundus tumor intestinorum inflammatorius , qui cum permanens sit à causa constante ac permanente , distentione scilicet , fixum dolorem excitabit.

Insuper à prædicta distentione intestinorum dolorifica spiritus versùs suos lares repulsi coguntur ad partem dolentem copiosius influere , sed hoc fieri nequit , quin augeatur æstus sanguinis circulantis ipsiusque progressus difficilior adhuc reddatur : ergo hac ratione quoque augebitur inflammatio , nervi vehementius distrahentur , & fixus intestinorum dolor necessario intendetur.

Constat ulteriùs in omni inflammatione cruorem hærentem & fermentescentem à continua spirituum jugiter influentium miscela putrefactivam quandam effervescentiam concipere & in pus converti , sed non potest sanguis putrefieri & facescere in pus , quin falso-acribus vel falso-acidis suis moleculis iisque corrosivis sensilem admodum intestinorum substantiam vellicet & exedat , ac proindè dolorem augeat ; ergo exulceratis alicubi intestinis , fixus quoquè dolor non inducetur solùm verùm etiam adaugēbitur.

Vermes in aliqua intestinorum parte agglomerati internam eorum tunicam osculis suis sugunt , proprio pondere nervos comprimunt , mole distendunt , acutis dentium mucronibus mordent , capitellis exertis confodiunt , nerveamque membranam vellicant multipliciter atque compungunt : sed ita hærentes lumbrici agere nequeunt in intestinales

tunicas , quin dolorem acutissimum eumque fixum inducant ad intestina referendum ; ergo ab hac quoque causa fixum intestinorum dolorem excitatum iri consequens est.

Similiter , quoniam convulsis partibus maxima fit fibrarum nervearum viciniorum compressio ; patet hinc , si quædam intestinorum partes spasmo seu convulsione afficiantur , nervos vicinos vehementer comprimendos esse sensationemque dolorificam parituros , quæ ideò erit constans quia convulsio doloris parens eandem partem constanter infestat.

Denique induratae faeces , impacti cerasorum nuclei , aliaque corpora dura quorum scabra & inæqualis est superficies , si in aliqua intestinorum parte aggerantur , poterunt radere , discerpere , ac multipliciter vulnerare interius intestinorum involucrum , præsertim verò si fibræ annulares validius contrahantur : sed vulneratis aut quomodocumque læsis intestinis atrocissimus isque fixus persentietur dolor ; ergo futurum necessario ut Ileum ab omnibus hisce causis inductum fixus intestinorum dolor concomitetur. Accedit quòd his mediantibus sanguis interrupto ipsius circuitu hæreat , accumuletur , inflammationem systrophicam vel phlogosim pariat , & liquidorum aliorumvè appellentium aggestu intestinales tunicæ prætermodum dilatentur.

Interdum non fixus sed vagus ac circumductus est dolor , prout causa doloris non eandem continuo , sed modò has modò illas impetit partes : quoniam verò flatus naturâ suâ per liquida in intestinorum cavo inclusa passim excurrunt , diversif-

que quibus agi solent determinationibus nunc has nunc illas elatere suo partes distendunt, quoniam præterea humores fermentescibiles varii quibus tota penè infercitur intestinorum cavitas ab obice ad pilorum, inæqualem ineunt fermentationis luctam cujus ratione modò hìc modò illic expanduntur, vimque suam in diversas intestinorum partes exerunt; sequitur à duplici hac causa circumvectum ventris dolorem esse repetendum. Flatus autem ita per ambages intestinalis ductûs discurrere, probant vagi intestinorum strepitus & borborygmi, qui ex nullo alio capite deduci possunt quàm ex eo quòd materiæ flatulentæ rugosis intestinorum parietibus allidant & fluida quibus innatant potenter exagitent: symbolum suum aliundè conferente humorum tumultu cujus ope particulæ aëreæ priùs incarceratæ expediuntur, incalescunt & quaquaversum sese explicant; ita ut, quemamodum fieri solet in fermentationibus externis, strepitus quidam sonitusque etiam in profundo abdominis audiatur.

Non est cur immoremur in exponenda flatuum genesi, hæc enim colicam flatulentam potissimum spectat. Istud obiter dixisse sufficiat quod nobis probabilius esse videtur; idcirco nempe majorem flatuum copiam in hoc affectu generari, quia singulæ ciborum priùs assumptorum particulæ magis dividuntur: etenim cum nulla sint corpora etiam solidissima quæ intra suum finem plures non recondant aëris particulas, liquet statim futurum ut pro majori vel minori partium attritione, alimenta majorem vel minorem aërearum partium flatus compo-

nentium copiam dimittant, quæ semel à compedi-
bus suis expeditæ, liberiores alias propter homo-
geneitatem sibi in societatem adsciscunt, & flatus
constituunt. Porro cum à posteriori demonstretur
aërem ramosis partibus & elasticis conflare, sul-
phuraque pariter ramosa & elastica esse nemo du-
bitet qui vel tantisper sulphurei elementi natu-
ram exploraverit; hinc quoque patet maximam esse
inter utrumque fluidum affinitatem, neque differre
ab invicem nisi ex eo quod aër tenuioribus, olea
verò crassioribus partibus componantur. Ergo si ma-
xima fiat (ut ex fluiditate materiæ vomitu rejectæ,
ejus putrefactione ac mora in intestinis evincitur)
stagnantium humorum divisio, facile concipitur
partes eorum sulphureas ramosas & elasticas, hunc
posse summum mediante motu consequi tenuitatis
gradum qui ad flatus efformandos desideratur.

Flatus in intestinis genitos quâ datur liberior exi-
tus abire necesse est, ergo & innatâ quâ gaudent
levitate præ cæteris intestinorum fluidis ad stoma-
chum elevari; sic elevati miscentur cum iis qui
generantur in ventriculo, ac tandem uniti ideò
ructus producant, quod alternis diaphragmatis &
musculorum abdominis motibus, impellente alio-
quin propriâ vi elasticâ, cogantur per œsophagi
ductum superius erumpere, mox brevi cum gravi
quodam sonitu eructandi.

Quoniam nequit refluerè ab intestinis quæ pro-
pior est & vicinior stomacho materies, quin ob
nimiam fermentationem quam concipit, vel ob so-
litò majorem quàm in statu naturali salium quibus

scatet extricationem, plus æquò vellicet, pungat, distendat, aut alio quocumque modo laceſſat fibrillas ventriculi nerveas, præſertim verò orificiî ſuperioris: ſequitur hujusmodi fibras ſolitò vehementiùs irritandas fore, proindèque moleſtam ſenſationem inducendam. Hinc cardialgia ſeu morſus ventriculi.

Nequeunt autem hujusmodi fibræ irritari ſolitò vehementiùs, quin ſpirituofus latex validiùs velociùſque ad ſenſorium commune repellatur, nec ita repelli, quin mechanicâ cerebri diſpoſitione determinetur uberiùs ad nervos phrenicos gaſtricosque diaphragmati ac muſculis abdominis proſpicientes, ut patet ex cognita vomitûs æthiologia; ergo ſequitur ulteriùs ab hac materia refluyente & nerveam ventriculi tunicam irritante, copioſiorem futurum eſſe in laudatas partes ſpirituofî fluidi proventum. Porrò diaphragma & muſculi abdominis nequeunt uberiorem ſpirituum copiam in ſe ſuſcipere, quin multò majori vi contrahantur, nec ita contrahi, quin fortiùs multò ſtringant undequaue ventriculi parietes, & contenta quælibet tum fluida cùm ſolida quâ data porta exprimant; ergo contractis unâ diaphragmate & muſculis epigaſtricis, hæc eadem contenta per apertum orificium ſuperius ad æſophagum evehentur, brevi per os eliminanda: undè vomitus.

Jam ſi cauſa irritans debiliùs agat, minor futura eſt prædictarum cauſarum motricium contractio, atque adeo minor ventriculo compreſſio inferenda: ergo inanes prorsùs conatus edendi ſunt, in quibus
nauſeæ

nauseæ ratio posita est ; sed ineunte Ileo propter insufficientem moram minùs exaltata , minùsque acria sunt contentorum salia , procedente verò morbo multò magis , ergo ulteriùs non mirum si primò nauseam , dein vomitum accersant. Præterea pro varia quantitate contentorum in ventriculo , nunc nausea , nunc vomitus excitabitur : etenim cùm in Ileo incipiente intestina tantùm , ventriculo existente vacuo ; in confirmato verò , hæc & ventriculum repleri ex jam dictis compertum sit ; luce meridianâ clariùs patet , initio stomachum , utpote vacuum , à causa præsentè & stimulante cæteròquin compressum , nihil posse per superiora exprimere & nauseam advocari , dùm è contra sub finem Ilei turgescens ex humorum redundantia , vel levi accedente compressione exoneratur & vomitum ciet.

Ex hac quoquè compressione illata à diaphragmate & musculis abdominis , non modò ventriculus secundùm totum , ut in vomitu fieri jam superiùs dictum fuit , verùm etiam secundùm partes singulas constringendus est ; singulæ autem sigillatim sumptæ partes ventriculi constringi nequeunt , & angustari , quin glandulæ hujus visceris , quæ fermentum stomachale secernunt , similem patiantur angustiam , ac proindè contentum liquidum exprimant copiosius in cavitatem ventriculi : ergo inter vomendum & nauseandum , stomachale fermentum è glandulis validiùs constrictis uberiori quantitate sequestrandum ; imò quoniam alia viscera in infimi ventris claustro delitescunt , hepar nempe , pancreas , & intestina parilem expertura

sunt coarctationem , non absimili ratione futurum ut sua uberius recrementa profundant , bilem scilicet , succum pancreaticum & intestinalem. Jam verò cum humores illi recrementitii quoad magnam partem ferosi , tum partibus suis aqueis quæcumque in intestinis & stomacho contenta sensim diluere, tum salibus falso-acribus, quibus ex natura sua pollent , radere apti sint , discindere , & attenuare etiam solidorum assumptorum partes : sequitur materias vomitione rejiciendas multum dilutas fore , & præternaturali fluiditate donandas. Interim tamen solida assumptorum frustula , imò & fæces induratae aliquando evomuntur , quod quidem ex minori mora quam contraxerunt , nec non ex minori fermentorum secretionem repeti potest.

Insuper cum varii corporum sapes ex varia mole , dispositione , quantitate , & figura salium sapiditatis sensum inducentium , item & odores ex eodem capite , ac præsertim à varia sulphurum depressione aut exaltatione procedant , cum aliunde colorum diversitas à diversa corporum coloratorum superficie oriatur ; liquet exinde pro varia natura , proportionem , atque miscela bilis , fermenti stomachalis , intestinalis , & pancreatici variam quoque contenta induere superficiem , salia sulphuraque diversimodè subigi & alterari , ac consequenter rejectas vomitu materies saporem , odorem , atque colorem multiplicem referre.

Singultus nil aliud est quàm vehemens eaque subita inspiratio cum strepitu facta. Cum autem adhuc ut inspiratio naturaliter perficiatur , debeant

musculi inspirationi inservientes , præsertim verò
 diaphragma , naturalem suum contractionis nisum
 exercendo ; thoracem certo tempore ampliare ;
 patet exindè pro majori vel minori , lentiori vel
 celeriori diaphragmatis & musculorum inspirationis
 contractione , vehementiorem vel debiliorem , ci-
 tiorè quoquè vel tardiorè inspirationem futuram
 esse : sed in Ileo interdum maxima fit subitaque
 inspiratio , ergo tunc musculi inspirationi dicati
 violenter subitoque sunt contrahendi ; non possunt
 autem inspirationis musculi derepentè & vehemen-
 ter contrahi nisi à copioso ac subitaneo spirituum
 influxu in eorum loculamenta , ergo ulteriùs ut
 singultus excitetur , debet spirituosum fluidum à
 cerebro ac cerebello in prædictas musculosas partes
 copiosiùs derivari. Undè autem quæso tam vehe-
 mens promptusque oritur spirituum animalium af-
 fluxus ? an ex imperante voluntate , ut persæpè ob-
 servatur ? an verò ex alia causa mechanicè agente ?
 sed videmus iliacos invitos miserè singultire , ergo
 non ad animæ nutum , sed potiùs ad causam
 planè mechanicam recurrendum. Hujus mechanis-
 mi rationem facilè assequetur quisquis admittet sta-
 bilitum à natura nervos inter gastricos & phreni-
 cos stomacho , diaphragmati , musculisque thoracis
 servientes commercium , factâ enim irritatione mo-
 lestâ in ore superno ventriculi à salibus acrioribus
 vel acidis corruptorum humorum valdè extricatis ,
 vel obortâ inflammatione adeoque commotis suc-
 cussisque nervis gastricis , spiritus animales validè
 & celeriter ad cerebri fibras percussi , hospitan-

tes inibi focios ad diaphragma & musculos pectoris pari cum vehementia ac celeritate impellent. Sonitum qui in singultu percipitur, in mutuas aëris, trachæ, & cartilaginum laryngis collisiones refundimus.

Sanguis per inflammata intestina difficulter circuitum suum obiens, per vasa lateralìa majori quantitate delatus, viciniore partes opplet: debet ergo mesenterium quo intestina lumbis annectuntur, propter loci viciniam, sanguine turgere & inflammari.

Cùm tenuia intestina quæ hoc in morbo cæteris frequentius afficiuntur, nequeant præ inflammatione accipere nisi modicam copiam sanguinis, qui continuis cordis ictibus per arteriam mesaraicam superiorem ad ea protruditur, debet major pars sanguinis appellentis per vias liberiores deflectere. Quò autem deflectet? Autopsia anatomica docet utrimque ad latus mesaraicæ superioris, emulgentes geminas ad renes cruorem asportantes emergere; ergo ad has sanguinis portio quæ iter consuetum pergere non potest transferenda est, quod fieri nequit quin augeatur copia sanguinis renes naturaliter irrorantis, quin pariter renes liquido sanguineo ingurgitentur: ergo inflammatis tenuibus intestinis, renes quoque propter vasorum sanguiferorum communionem inflammari necesse est.

Denique vesicam urinariam & crassa intestina à mesaraicæ inferioris ramulo (internam dico hæmorrhoidalem) arterias mutuari compertum est, item & rectum intestinum ab hypogastricis sicut & vesicam partem sanguinis quo irrigatur desumere; ergo

ex mechanica jam superius allata sequitur perspicue, sanguinem quâ proportionem viam suam obstructam reperit versus crassa intestina & rectum, uberius hinc in vesicam derivandum ac proinde vesicam similiter per consensum esse inflammandam. Ad inflammationem harumce partium promovendam concurrunt suo modo miasmata hæterogenea quæ ex inflammatis intestinis elevantur, & spiritus ratione causæ dolorificæ in partes vicinas jugiter excurrentes: hæc enim duo exagitando sanguini haud imparia fermentationem ejus adaugent & circuitum præpediunt. Adhæc, inflammatio podice sphincter vesicæ magnoperè comprimitur, quo fit ut stagnet sanguis, congeratur & phlogosim pariat. Inflammati renes inepti evadent lotio secernendo vesicæ pariter & potissimum ipsius sphincteris inflammatio ejusdem lotii excretioni officient, nemini igitur mirum si in Ileco nonnunquam contingat urinæ suppressio.

Quoniam inflammatis intestinis spiritus jugiter ad emporium retorquentur, indeque affatim partes irradiant & sanguinem exundant; cum insuper è partibus inflammatis præterfluenti sanguini communicentur miasmata hæterogenea cum illis quæ in ipsius sinu continentur; quoniam demùm in passione Iliaca mutuis vicibus sanguis & chylus se contaminant, chylosisque & hæmatosis depravantur; sequitur exinde intensiorem fore fermentationem humorum, majorem virtutem partium systalticam, uberio rem fluidi motivi cordis (qualecumq; illud sit) proven tum, adeoque pulsus frequentiam cum calore præ-

ternaturali conjungendam : in quo febris ratio posita est.

Qui vel mediocriter motum muscularem contemplati sunt cum Physiologicis , apprimè norunt in contractionibus musculorum sanguinem ab iisdem exprimi & eâ proportionem ad vasa viciniora amandari , quâ à contractis musculis propellitur ; sed constat in Ileo confirmato membra continuis ac vehementissimis hinc indè agitationibus crudeliter jactari (quod ex nausea & vomitu assiduus manifestum fit) debet ergo sanguis sub finem Ilei continuo & maxima cum vehementia expelli è musculis hæc artuum jactationes inducentibus , & ad interiora derivari ; ergo ad pulmones copiosius affluet. Debebit præterea spirituum penus , adaucto calore sanguinis & ingravescente intestinorum dolore , magna ex parte exauriri ; ergo minor eorum ad pulmonis substantiam distributio , undè hujus visceris flacciditas. Jam verò sanguis ita irruens ad pulmones alioquin flaccidos , sibi metipsi viam præpediet , laboriosè pertransibit labyrinthos vasorum pulmonalium flexus , stagnabit , cumulabitur prætermodum , vasa distendet , pneumonicas vesiculas stringet , minusque reddet & angustius spatium aëri naturaliter intromittendo destinatum : ergo difficilis aderit respiratio.

Cùm nequeat sanguis difficilè circulari per pulmones , ibidemque hære & aggeri , quin difficulter subeat per venam pulmonarem sinistram cordis thalamum ; sequitur fore ut solito parcius feratur ad cordis substantiam , fluidumq; hujusce visceris mo-

tui perficiendo requisitum deneget , ac proinde functio hæc vitalis , quæ pulsus dicitur , penitus aboleatur : ergo sincope , seu animi deliquium , respirandi difficultatem proximè consequetur.

Pro majori vel minori calentis sanguinis copia, partes singulæ corporis humani majori vel minori caloris motu præditæ sunt ; sed 1°. Partes internæ , ratione superiùs allatâ , sanguine inferciuntur , & impedito circuitu in pulmonibus , vivificus ille liquor minori quantitatè ad sinistrum cordis ventriculum , indèque ad aortam & ad partes externas amandatur : ergo imminuetur copia sanguinis partes externas irrorantis. 2°. Inhibitâ quadantenùs circulatione , non parùm quoquè obtunditur fermentatio : sanguis enim minori motu & copiâ progrediens , minori vi à corde propellitur in arterias ; hæ minùs distentæ debiliorem quoquè vim elasticam exercent , systaltica seu oscillatoria vis partium enervatur , minor fit genesis spirituum ; quæ omnia cùm concurrant ad fermentationis motum ciendum , his deficientibus , defecturam quoquè sanguinis fermentationem necesse est ; debebunt ergo partes externæ ob exiguam , quâ irrorantur , cruoris parùm fermentescentis copiam frigescere.

Jam verò nequit imminui fermentativus simul ac progressivus liquidi sanguinei motus , visque partium systaltica , quin sanguis magis ac magis hæreat & crassitiem majorem adipiscatur ; quin item externi aëris appulsu aliquid sui motûs amittat ; nec ita de motu suo amittere & inspissari , quin sulphureæ partes terreæque crassiores strictiùs ad in-

vicem accedentes , aqueas è suo sinu copiosius dimittant , quæ per glandulas cutaneas transcolatæ , indèque ex his per canales earum excretorios ad cutis superficiem usque traductæ ob minimum motum quem à sanguine , unde profluunt , mutuatae sunt , sudorem frigidum constituent ; ergo ulterius hac ratione in iliakis , præsertim verò morituris , gelidus sudor futurus est.

Ultimò tandem , quoniam repetitis compressionibus inductis à diaphragmate & musculis abdominis , fluida quæ continentur in intestinis non modò ascendent ad stomachum , verùm & tenuiores etiam eorundem partes secundùm determinationem lateralem impulsæ , venarum lactearum orificia subiturae sunt , indèque ad sanguinem per vias consuetas trahiendae ; cum insuper fluida illa ob diutinam , quam in intestinis contraxere , moram præternaturali polleant acredine , cujus ratione sanguinem ipsiusque recrementa & excrementa contaminare facile possunt ; futurum exindè ut sanguinis recrementa & excrementa varia morbosâ acrimoniâ inficiantur : ergo succus nutritius acrior emerget , nec tantùm debitæ partium nutritioni absolvendæ impar , sed & noxius futurus est : unde marcor. Præterea salia hujusmodi acria propter analogiam cum falso-acribus massæ sanguineæ recrementis excrementisque , potius quàm cum aliis quibuscumque humoribus conjungetur ; ergo societatem inibit facilius cum saliva , urina , & insensibili transpiratione : sed illud fieri non poterit , quin partes hujusmodi acres , quæ naturâ suâ olfactûs organum graviter

viter feriunt, factâ cum variis hisce liquidis miscelâ, iisdem simile vitium communicent; ergo saliva, urina, & sudor tetrum spargent odorem, quemadmodum testantur Authores gravissimi.

CAPUT QUARTUM.

De Signis Diagnosticis Ilei.

QUandoquidem varia sunt signa iliaco simul & colico dolori communia, Ileus incipiens difficile admodum à colico dolore distingui potest: attamen si dolor multum sæviat, si tumor notabilis & durus adinstar chordæ tensæ in abdomine tactu percipiatur, si maxima sit totius abdominis distentio, frequentiora intestinorum murmura, flatus copiosissimi, immanes nausæ, vomitus, pertinax alvi adstrictio, Ileum adesse verisimile est.

Vomitùs materiæ fæculentæ vel ipsarum fæcum, alvi suppressio, animi deliquium, extremorum frigiditas, foetidus anhelitus, sudores frigidi, aliaque de quibus in hujusce morbi descriptione, confirmatum Ileum manifestè demonstrant.

Perfectus ab imperfecto, ex totali vel partiali alvi adstrictione facile discernitur.

Causæ verò à quibus dependet difficiliùs multò innotescunt, eas tamen haud magno labore assequi poterit quisquis ad varia earum signa jam recensenda seriò attendet.

Prægressa & pertinax alvi constrictio , absentia febris & doloris in principio morbi , præposterus alimentorum austerorum , vel nimius medicaminum adstringentium usus , naturalis alvi pigrities , equitationes , aut sessiones diuturnæ , immodica corporis exercitia , moerores & sollicitudines animi , quibus omnibus jam ante Ileum alvus vel retardata vel cohibita fuerat , angustiam ab induratis fæcibus pendere arguunt.

Ingestos ceraforum aut aliorum fructuum nucleos , calculosque deglutitos in causa esse obstructionis intestinalis ductûs , notum fit ægrorum vel adstantium relatu : non ita facile est dignoscere an à calculis vesicæ felleæ ad duodenum translatis Ileus producat , cùm ipsa horumce calculorum diagnosi difficilis sit , verumtamen si signa eorum diagnostica , doloresque in hypochondrio dextro sævientes præcesserint , deficientibus aliundè signis aliarum causarum , hujusmodi calculos morbo iliaco ansam dedisse conjectari poterit.

A congestis & agglomeratis vermibus intestina obturari suspicio est , si ægri vermes aliàs sæpius excreverint , si alimenta dulcia & saccharata ante morbum edaciter ingesserint , ac demùm si cruditatibus acidis obnoxii sint , vel ructus acidos ipso morbi tempore emittant.

Tumor schirrosus externæ intestinorum superficiei adnatus facilè tactu deprehenditur , sin autem interioribus eorundem parietibus adhærescat , quamvis tactu explorari non ita facilè possit , tamen ex præcedente diuturna intestini duritie , sensu gravi-

tatis quem ægri stantes perſentiunt , ſtrumosa ſanguinis diathesi , & aliorum ſignorum abſentiâ indicatur.

Præviā inteſtinorum phlegmonem , iliacam paſſionem induxiſſe haud difficile colliges ex vehementia morbi , dolore acuto & fixo , viſcerum calore , febre intenſa etiam ab invaſione morbi , aliisq; ſignis inflammationem comitari ſolitis , præſertim verò ex prægreſſis , cruditatibus nidoroſis , venenorum aſſumptione , immoderato aromatum aliorumque tum ciborum , tum medicamentorum acrium uſu , & materiæ ſanguinolentæ per anum excretionē.

Si ſit dolor acutiſſimus , fixus ac permanens , cum calore deurenti conjunctus , ſi ſanioſa aut purulenta materia per anum prius excreta fuerit , vel tandem ſi febris lenta & marcor præceſſerint , inteſtinorum ulcus aut abſceſſum jure ſuſpicaberis.

Succum lymphaticum inteſtinalē præternaturam concretum accuſandum eſſe ſignificant , frequens lymphæ viſcidæ & glutinoſæ dejectio , & intenus viſcerum calor.

Quòd ſi huiusmodi ſigna abſint , & tumor oblongus chordarum inſtar protenſus in abdominis regione percipiatur , patet exploranti Medico inteſtina convolvi & complicari. An verò ſuperior in inferiorem , vel viciffim inferior in ſuperiorem intrudatur , nullo quidem ſigno dignoſci poteſt.

Prolapſus inteſtinorum in ſcrotum aliasque partes , vel ſimplici factâ inſpectione , vel ægrorum aut adſtantium relatu innotefcit.

Difficillimum est convulsionem intestinorum dijudicare , nihilominus tamen tum signorum alias causas indicantium absentia, tum partium externarum motibus convulsivis vel convulsionibus ; causam hanc poterit Medicus conjicere , imprimis si ægri epilepticis insultibus identidem afflictentur.

Nausea & vomitus assidui , difficilis respiratio , doloris situs , & celerior stercoris vomitus , tenuia ; lumborum verò gravitas , dolor ad inferiora magis vergens , ac tardior materiæ fæculentæ vomitus , nec non subindè intermittens , intestina crassa affecta esse ostendunt ; denique si alvus morbi initio penitus adstricta sit , si tanta sit ani angustia , ut ne quidem specii acumen intromitti possit & sphincteris resistantiam superare , vel si superatâ ipsius resistantiâ clysteres semel injecti , vel inductæ glandes rursus excludi nequeant , quin potius per superiora rejiciantur ; morbi sedem in podice constitutam esse planè evincitur.

CAPUT QUINTUM.

De Signis Prognosticis Ilei.

Cum in omni Ileo distributio chyli & expulsio fæcum , quæ vitæ tuendæ naturaliter interviunt , si non omninò saltem aliquatenus impedian-
tur ; quoniam pariter propter obicem contenta in intestinis accumulata plurimum distendunt intesti-

nales tunicas , earumque vasa comprimendo , circuitum humorum inhihent & phlogosim , inflammationem , ulcus , imò quandoque gangrænam & sphacelum inferunt ; quoniam rursus assiduis vomendi conatibus , doloribusque vehementissimis exhauriuntur spiritus, adeoque vires omninò prosteruntur ; denique cùm Ileus inter acutos morbos vulgò annumeretur , gravioraque accersat symptomata , quibus intra unum, duos , tresve dies ægri sæpè de medio tolluntur ; sequitur affectum iliacum in genere periculosum futurum esse.

Morbi quò gravioribus stipantur symptomatis , eò periculosiores censendi sunt ; sed in confirmato Ileo graviora sunt symptomata quàm in incipiente , majus ergo in illo quàm in hoc periculum imminet.

Quoniam in perfecto Ileo multò major fit prædictarum functionum naturalium læsio , majorque adest inflammationis metus quàm in imperfecto ; cùm insuper in isto non ita continui sint vomitus , nec dolores tam ferociter sæviant ; quoniam demùm perfectus Ileus morbus est acutissimus , imperfectus verò ad plures dies , imò (licet rarò) ad mensem integrum & ultrà extendi potest , adeoque chronicus est ; patet causam morbificam in hac Ilei specie languidiùs agere quàm in illa , ac per consequens perfectum Ileum imperfecto periculosiorem esse.

Pro causarum etiam diversitate prognosis varianda est. Enim verò si ab induratis fæcibus , ingestis nucleis cerasorum , aliisque duris corporibus , aggestis in glomum lumbricis , lymphâ concretâ ,

levi convulsione , herniâ &c. fiat intestinorum obstructio : quandoquidem hujusmodi causæ faciliè tolli possunt , morbum iliacum aliquam curationis spem polliceri evidens est.

Cùm schirrus non nisi longo tempore curari possit , Ileus verò citò auferendus sit , sequitur Ileum ab hac causa productum prorsùs immedicabilem futurum esse , maximè si tumor schirrosus ad canceri naturam proximè accedat , vel si ita internis adhæreat intestinorum parietibus ut eorum convolutionem pariat.

Inflammatiō hærentem sanguinem & prætermo-
dum fermentescentem supponit ; sed sanguis ita hæ-
rere & fermentescere non potest , quin putrefacti-
vam quandam effervescentiam in intestinis suscipiat ,
eorumque exulcerationem aut abscessum producat ;
vel interrupto prorsùs in his humorum commeatu ,
intestinales membranæ gangrænâ vel sphacelo cor-
ripiantur. Cùm autem hujusmodi vitia ex se lethalia
sint , præsertim in partibus internis quibus re-
media convenientia applicari nequeunt , perspicuum
est insanabilem fore Ileum ab inflammatione exci-
tatum. Quod de inflammatione dicitur , idem de
ulcere à fortiori intelligendum.

A mutuo intestinorum ingressu non modò obli-
teratur intestini convoluti cavitas , sed & insuper
convolventis vasa sanguifera præternaturaliter dis-
tenduntur & intumesunt ; verùm hæc ita intume-
fieri nequeunt , quin majus spatium occupent , nec
majus spatium occupare , quin intestinum convo-
lutum jam angustatum fortiùs validiùsque constrin-

gant , & hac ratione ejusdem explicationem difficiliorem reddant. Ergo difficillimum est complicata intestina in pristinum ac naturalem situm restitui , præcipuè si pars superior inferiorem ingressa sit.

Porro convoluta intestini portio ex alterius cavitate difficilius retrahetur , si maxima pars canalis quàm si exigua duntaxat complicata sit : ergo quoquè pro varia obicis magnitudine modò majus , modò minus impendet iliakis periculum.

Venena interiùs assumpta (nisi fortè his initio occurratur) mortem inferunt ; ergo Ileus à veneno haud dubium portendit exitium.

Cùm convulsio fibrarum intestinalium , quæ pendet ab ulcere , idem ac ulcus discrimen vitæ præstet ; planum est in utroque casu eandem , periculosam nimirum , prognosim instituendam.

Sanguis in atrabilariis exsuccus est , falsus , & intensiori fermentationi suscipiendæ magis idoneus , quàm in iis qui aliâ quacumque temperaturâ præditi sunt ; sanguis pariter senum diuturnis fermentationibus sero depauperatus , acrior est infantum ac puerorum sanguine : ergo excandescet faciliùs , & inflammationem , mox gangrænam & sphacelum inducet , ac proindè Ileus periculosior est in atrabilaria constitutione quàm in aliis , in senibus quàm in infantibus puerisque.

Similiter quoniam illi qui valetudine & naturâ imbecilliores sunt , debiliori donantur partium solidarum texturâ , quæ minùs resistere valet causæ morbificæ ; liquet vasa sanguifera intestinorum , præ innata debilitate , faciliùs referanda & disrumpen-

da , ac proindè Ileum in valetudinariis & debilibus , quàm in fanis & robustis majus periculum portendere.

Si quidem vomitus , præsertim verò fæculentus , pertinacem & ferè insuperabilem angustiam indicat , metuendum maximè ab inflammatione & gangræna intestinorum : ergo passionem iliacam cui vomitus stercoris supervenit , exitialem ut plurimum cum Galeno ^a existimamus.

Cùm probatum fuerit superiùs vomitum fæculentum plenitudinem intestinorum præsupponere , còque tardiùs intestina repleantur quò remotior est obex à ventriculo ; sequitur tardiozem dùm crassa , citiozem verò fore stercoris vomitum dùm tenuia intestina afficiuntur , & consequenter iliacos à tenuium magis quàm à crassorum vitio periclitari certum est , ita docente experienciâ quotidianâ. Accedit quòd membranæ tenuium exquisitiori sensu præditæ sint crassorum intestinorum membranis , atque adeò magis pateant causæ morbificæ insultibus , acutioresque dolores excitentur. Ex iis inferendum majorem adhuc , si vitium sit in podice , salutis spem affulgere.

Si remediis non cedat affectus , sed intendantur potiùs symptomata , certa imminet pernicies ; sin verò accidentia morbosa remittantur & moveatur alvus salus expectanda.

Quibuscumque , inquit Hyppocrates , ^b *in stranguria*

^a De loc. affect. lib 6. cap. 2.

^b Sect. 6. Aph. 44.

guria volvulus accedit, hi intra septem dies pereunt, nisi febre superveniente copiosior urina fluxerit. Quippè si stranguria seu urinæ suppressio Ileum producat, à materia quadam viscida & glutinosa renibus aut collo vesicæ impacta, lotiique secretionem aut excretionem præpediente oriatur, futurum necessario ut accedente febre sublata causa stranguriæ, passionis quoque iliacæ causa tollatur.

Vomitus fæculentus notabilem intestinorum angustiam arguit. Singultus fit ab irritatione molesta orificii superioris ventriculi, eaque vel maximam contentorum acrimoniam, vel obortam ventriculi inflammationem supponit. Convulsio inæqualem & irregularem spirituum influxum, vel eorundem hæterogeneitatem indicat: 1^{um}. à doloribus violentis intestinorum pendet, 2^{um}. à febre acuta. (conferente chylo partibus acrioribus & fæculentis referto) Tandem delirium agnoscit vel hæterogeneos spiritus, vel inæqualem validamque arteriarum cerebri oscillationem, quibus fibræ corporis callosi vehementius solito concutiuntur, ideasque deliras excitant. Sed hæc omnia funestum eventum prædicunt, ergo cum Hypp. a asserendum. *Ab Ileo vomitus, singultus, convulsio, aut desipientia malum.*

Cùm febris acuta & stercoris vomitus sint signa per se multum periculosa, cùmque insuper nimia hypochondriorum tensio impediatur descensum seu complanationem diaphragmatis, quâ ampliatur thoracis cavitas & inspiratio naturaliter exercetur; pla-

num est, si parotides Ileo hisce symptomatis stipato superveniant, fore ut illæ imminentem mortem prænuntient: nam hujusmodi glandulæ tumefactæ non possunt quin laryngem comprimant, ipsiusque cavitatem notabiliter coarctent, ac proindè aëri aditum intercludant; nec aditum aëri intercludere, quin, præpedito jam motu diaphragmatis, suffocationis futuræ periculum augeatur; ergo prædictæ parotides certam ruinam minitantur. His adde emergens à febre maligna humorumque dyscrasia periculum, unde rursus meritò Hyppocr. *a in tenuioris intestini morbis graveolentibus, cum febre acuta & ex longo intervallo tumescentibus præcordiis, qui ad aures oboriuntur abscessus mortem adferunt.*

Tenuioris b intestini morbo (Ileo) laborantibus surditas malum. Nam cum ad auditûs exercitium naturalis organorum tensio necessariò desideretur, cum insuper hæc debita tensio spiritibus influentibus potissimum debeatur; sequitur, si functio hæc non possit naturaliter exerceri, fore ut vel deficient spiritus in cerebro, vel ab ipso ad organum auditûs per nervos acousticos transmitti nequeant; utrumque autem signum est lethale. Nam 1°. posito defectu spirituum in emporio, non auditio solum sed etiam aliæ functiones fatiscunt, collapsisque viribus iliacos vitâ fungi necesse est. 2°. impedita in iliacis spirituum distributio ad auditûs organa, adauctam præternaturaliter sanguinis fermentationem arguit, quâ, com-

a Prædictor. lib. 1. sect. 2. text. 158.

b Idem Hypp. in coac. prænotion. sect. 2. text. 470.

pressis nervis acousticis, spiritibus influentibus transitus denegatur: præternaturalis fermentatio soboles est febris acutæ; hæc inflammationis seu gangrænæ intestinorum metum affert: ergo surditas Ileo adveniens signum utrobique periculosum.

CAPUT ULTIMUM.

De Curatione Ilei.

IN curatione Ilei istæ præcipuæ indicationes sunt adimplendæ. 1°. Referanda & aperienda, angustata quomodocumque intestini cavitas. 2°. Præcavenda inflammatio nondum facta, vel jam facta auferenda, ut imminenti gangrænæ aut sphacelo tutius occurratur. 3°. Demulcenda venit contentorum in intestinis salium acrimonia. 4°. Omni ope enitendum, ne intestina jam ab initio morbi turgida magis ac magis repleantur, vel ut jam repleta per inferiora evacuentur. 5°. Mitiganda sunt graviora quibus Ileus stipari solet symptomata. 6°. Tandem, si morbus sit insanabilis, danda opera ut vita, quantum fieri potest, protrahatur.

Primò igitur pro varietate causarum, variâ methodo procedendum ut 1^æ. indicationi satisfiat. Enim verò si ab induratis excrementis, vel à lymphâ concreta, vel ab ingestis cerasorum aliorumque fructuum nucleis intestinalis ductus obstruatur, emollientia & relaxantia multum profunt, quorum alia sunt externa,

alia interna ; inter externa recensentur cataplasmata, fofus , linimenta ex emollientibus parata exteriùsque abdomini admovenda , nec non balnea ex aqua dulci tepida , vel ex oleo : interna ano & cato præſcribantur qualia ſunt clyſteres emollientes & lenientes ex decocto herbarum emollientium , oleo communi , vel amygd. dulc. vel lin. vel lilior. lacte , decocto capitis , omenti , pedum , vel inteſtinorum vervecis. Item potiones interiùs uſurpatæ quæ inteſtinorum ſubſtantiam molliant, ut ſunt oleum olivar. vel amygd. dulc. ſine igne expreſſum , butyrum recens , juſcula pingua , & anodina ex capite vel pedibus vervecinis confecta , cremores hord. & oriz. decoctum quoque pro potu ordin. ex radic. alth. florib. malv. vel nenuph. ſemine lin. & ſimilib. dein cauſæ morbi præmiſſis ita emollientibus ad evacuationem diſpoſitæ excluſionem juvabunt mitiora cathartica ut mann. caſſ. rhabarb. dilut. prunor. &c. & enemata leviter purgantia cum catholic. diapr. ſimpl. pulp. caſſ. recent. extract. mell. violac. roſac. &c.

Si à vermibus agglomeratis ortum ducat paſſio iliaca , hi mercur. crud. ſcord. aquil. alb. infuſion. abſynth. centaur. abrotan. aliisſque vermifugis , item purgantibus & oleoſis enecandi ſunt , vel fugandi & ab invicem diſjungendi.

In inflammatione triplex eſt curationis ſcopus. 1^{us}. Ut ſanguis affluens ad partem affectam aliò averſatur & inflammationem producens ad viam circulationis reducatur. 2^{us}. Ut compescatur dolor comes ejus inſeparabilis. 3^{us}. Ut ſanguinis fervor attemperetur. Sanguinis autem appuſſus ad partem inflam-

matam præpeditur & illius hærentia tollitur venæ-
sectionum ope, mitigatur dolor anodinis & narco-
ticis, temperatur æstus sanguinis refrigerantibus,
ergo hæc remedia sunt adhibenda. Iisdem fermè
utendum est, si Ileus veneno originem suam atteste-
tur; quippè eatenùs potissimùm venena intestina-
lem ductum obturant, quatenùs inflammationem
accerfunt: hoc unum duntaxat advertendum, nem-
pe phlebotomiam hoc in casu non indicari, sed po-
tiùs alexipharmaca aliaque venenis quibusslibet de-
bellandis appropriata, ad quæ sine mora confu-
giendum.

Non potest tolli obstructio intestinalis ductûs ab
ulcere, nisi ipsum tollatur ulcus; ergo tunc reme-
dia ulceribus curandis convenientia, detergentia
nimirùm, exsiccantia, consolidantia &c. præscri-
benda sunt.

Tumor schirrosus intestina exterius comprimens,
eandem ac schirrus aliarum partium internarum cu-
randi methodum postulat, ideòque aperientia om-
nia usurpanda: quod intelligendum est de Ileo im-
perfecto & chronico, non autem de perfecto &
peracuto.

Si à convulsione fibrarum intestinalium Ileus de-
pendeat, antiepileptica imò & emetica initio mor-
bi conveniunt.

Ubi intestina prolapsa Ileum pariunt, nihil non
agendum est ut quam primùm pristinum situm recu-
perent, & in suam sedem reponantur. Id præstat
Chirurgi opera, quâ intestinum prolapsum sensim in-
trorsum adigitur, quod si ita tumefactum sit, ut abs-

que chirurgica operatione reduci nequeat, ea tunc protinùs celebranda, præmissis semper clysteribus emollientibus & anodinis, intestinorum reductionem juvantibus.

Tandem in volvulo eò tota dirigenda est curatio, ut expediatur quomodolibet & evolvatur convoluti intestini portio, adeòque intestinum constrictum & angustatum ex convolventis cavitate retrahatur. Quocirca minùs rectam arbitramur eorum metho- dum, qui hydrargyri uncias aut libras aliquot, vel globulos ex plumbo, auro, argento, regulo antimonii, vel ex mercurio crudo sulphure extincto & cerato paratos præ cæteris hauriendos esse commendant. Nam præterquàm quod cùm vix ac ne vix quidem dignosci possit, an superior inferiorem vel inferior superiorem absorpserit; cùmque dum pars superna infernam subingressa est ob tumores intestinis interiùs adnatos, ejusmodi medela non inutilis modò ^a sed & noxia ^b censenda sit; ea ausu planè temerario tentaretur. Accedit insuper quòd hujusmodi medicamentorum haustu, non modò non aperienda intestinorum via, sed potiùs magis angustanda videatur, etiamsi pars intestini inferior in superiorem intrusa fuerit.

Etenim, ut patet ex causis convolvuli superiùs expositis, pars intestini inferior in superiorem intruditur, vel quia factâ alicubi dilatatione præternaturali, ponderantia fluida superioris intestinorum par-

^a D. Chirac. dissert. de Ileo fec. §.

^b Dolæus lib. 3. de morb. abdom. cap. 6. § 20.

tis latera deprimunt & faccos pendulos efformant , ut in fig. 10. vel quia inferior intestini portio , favente situ & diaphragmatis aut muscutorum abdominis impulsione , superiorem prætermodum dilatatam subit , ut si supponatur (vid. fig. 11.) pars C. partem F. subingredi. Si 1^{um}. evidens est faccos utrinque pendulos qui , ob contentas quibus opplentur materies , ingressum intestinum fortiter stringunt atque coarctant , ampliandos fore & ad inferiora magis propellendos , atque adeò futurum ut hydrargyrum vel globuli non solum impares sint intestinis evolvendis , verum etiam factam eorum angustiam augeant ; & sive ex toto , ut in prædicta figura 10. sive ex parte tantum angustentur intestina , ut in fig. 8. & 9. perinde erit : nam globuli plumbei , argentum vivum , aliave deglutita & ad impedimentum usque devoluta , faccos jam efformatos , in quibus major patet via minorque occurrit resistentia , facilius multò ingredientur , adeoque pondere , mole , ac motu latera eorum ad ulteriorem descensum compellent. Si 2^{um}. quandoquidem globi plumbei , &c. in hoc morbo ideo præscribuntur , quia pondere præstant ; planum est , si in hoc casu agere non possint ratione ponderis , fore ut promovendæ intestinorum explanationi in cassum adhibeantur. Quòd autem in facta hypothesis vi ponderis agere nequeant , vel ex simplici facta schematis 11. inspectione manifestum fit , in quo ex intestini positura globi plumbei v. g. ab A. in C. pervenire non possent quin circa F. propriam gravitatem vincerent & sursum ascenderent.

Methodo planè contrariâ cautiùs hanc indicatio-

nem adimplebis, tum abſtinentiam ſuadendo, ita ut ægroti nihil aut parùm omninò alimenti per 3. aut 4. dies ingerant, viteturque hac ratione major in-
teſtinorum plenitudo; tum alvum enematis paulò acrioribus irritando vel folle fabrili (aëre priùs propè ignem attracto ne frigidityte ſuâ noceat) inflando : quod remedium à celeberrimis Medicis comprobatum in hac maximè Ileï ſpecie præſtantiffimum eſſe autumamus. Namque aër per anum propulſus ad partem complicatam perducì nequit, quin ibidem partes inteſtini convoluti laterales diſtendat; (vid. rursùs fig. 10.) nec ita diſtendere, quin materias in ſaccis inteſtini convolventis incluſas ſurſum impellat, quod fieri non poteſt quin ſacci minores evadant, & ſimiles ſaccis *I. I.* fig. 9. quin pariter ab accedente de novo aëris copia, auctâ laterum inteſtini convoluti diſtentione, contenta in iis ſaccis fluida hinc illinc rursùs exprimantur verſus *C.* ita ut ſacci *I. I.* minores adhuc fiant & ſimiles ſaccis *H. H.* fig. 8. ac tandem quin adauctâ iterùm diſtentione penitus evaneſcant ut exhibet fig. 7. & cavitas *f. g.* antea coanguſtata aperiatur. Præterea inteſtinum *E. F.* hac arte dilatari non poterit, quin partes laterales *p. q.* diductis utrimque punctis *f. g.* minùs curvæ evadant, & materiæ contentæ in ſpatio *t. u.* vim ſuam minùs exerant in latera inferiora *p. q.* unde faciliùs deorſum fluent, & metus omnis novæ complicationis auferetur.

Eundem à fortiori exitum obtinebis ſi abſque ſaccis, altero quo jam expoſuimus modo, inteſtina ita complicata ſint, ut pars inferior ſuperiorem penetra-
verit.

verit. Nec inutile illud medicamentum cenſeo , dum à tumore inteſtinis intùs adnato volvulus produci-
tur ; quippè ampliata inteſtinorum cavitate materiis
tumorem revolvendis via concedetur , & aliqua ſa-
lutis ſpes aſſulgebit.

Cæterùm globuli plumbei aliaque huiusmodi, quæ
in prædictis caſibus noxia ſunt , in aliis Ileï ſpecie-
bus, ut à fæcibus , lymphâ , ingeſtis fructuum nucleis ,
lumbricis , tumore externo &c. alveum inteſtinalem
obſtruentibus vel comprimentibus , felici cum ſuc-
ceſſu uſurpantur.

2°. Quod ſpectat ad inflammationem præcaven-
dam vel tollendam , eadem competit curandi ratio
quæ modò tradita eſt, ubi de inflammatione tan-
quam cauſa Ileï.

3°. Ut demulceatur contentorum acrimonia atque
inteſtinorum irritatio ſedetur, debent ea omnia in
uſum vocari medicamina quæ pingua ſunt , ſulphu-
rea , mucilaginosa , proindeque obvolvendis ſalibus
idonea : hæc ſunt juſcula pingua , decoctum inteſti-
norum vervecis , oleum olivar. lilior. amygdal. dulc.
decoctum hord. mucilagines femin. pſyll. & cydo-
nior. &c. Item clyſteres ex lenientibus & demul-
centibus parati.

4°. Tollitur inteſtinorum plenitudo enematis &
catharticis mitioribus ; præcavetur diætâ tenui , quæ
ſic debet obſervari ut ægri per 3. 4. aut 5. dies
quædam tantùm juſculi cochlearia ad vitam ſuſten-
tandam aſſumant : non ſolùm etenim id habent in-
commodi alimenta aſſumpta quòd vomitum promo-
veant, verùm etiam à retentis fluidis quibuſcum in pri-

mis viis permiscantur, pravam acquirant indolem, putrescant, chylumque pravum sanguini suppeditent.

5°. Pro varietate symptomatum Ileo supervenientium, varia medicamina usurpanda sunt. Cum autem præcipuum sit dolor qui tum narcoticis cum anodinis membranas intestinorum laxantibus, ac proinde eorum tensionem minuentibus lenitur, patet rursus narcotica & anodina jam indicationem complere.

6°. Tandem, si frustrà præscriptis remediis causæ tollendæ accommodatis, perseverent nausæ & vomitus importuni, dolor ingravescat, aliaque symptomata subsequantur, qualia sunt animi deliquium, respiratio difficilis, virium languor, extremorum frigiditas &c. quoniam tunc de ægro conclamatum est, id unum incumbit medico ut interitus procrastinetur stomachicis, anodinis, corroborantibus, & vomitum sedantibus, præsertim verò nutrientibus enematis, si affectus in superioribus intestinis sedem obtineat, nec possint alimenta ingeri quin statim vomitus excitetur.

Jam verò, ut unde orsa est in eodem terminetur hæc disputatio medica, cum ex iis quæ dicta sunt quæque hic sigillatim repetere supervacaneum foret, liquidò pateat motum antiperistalticum non modò inutilem esse, sed rationi, Auctorum observationibus, & certissimis experimentis adversari; jure datur inferendum.

E R G O vomitus faculentus in passione Iliaca non ab antiperistaltico intestinorum motu.

ERRATA.

Paginâ 6. lineâ 16. quò , *leg.* quòd. *Ibid.*
lin. penult. è græcis , *dele.* Pag. 10. lin.
ult. tractat. *leg.* dissert. Pag. 19. lin. 3. succu-
tiendas , *leg.* ad contractionem stimulandas. Lin. 22.
ductus , *leg.* ductu. Pag. 37. lin. 24. aliorumque ,
leg. aliorumque. Pag. 42. lin. 23. simplissima , *leg.*
simplicissima. Pag. 46. lin. 26. delatata , *leg.* dilata-
ta. Pag. 54. lin. 18. retentiores , *leg.* retentiones.
Pag. 80. lin. 28. conjungetur , *leg.* conjungentur.
Ibid. inibit , *leg.* inibunt.





